



HOKKAIDO UNIVERSITY

Title	盛唐之集賢院
Author(s)	池田, 温
Citation	北海道大學文學部紀要, 19(2), 45-98
Issue Date	1971-02-10
Doc URL	https://hdl.handle.net/2115/33356
Type	departmental bulletin paper
File Information	19(2)_PR45-98.pdf



盛
唐
之
集
賢
院

池
田
溫

盛唐之集賢院

池田 溫

前言

1 沿革

2 省舍

3 儲藏

4 修纂

註記

5 故實

6 職掌

7 祿廩

8 官聯

前言

唐代學館之盛、中古所未見、而學士榮譽、尤著於青史。

唐朝官制、政府圖書之署有秘書省
管著作、國史編纂之
太史局

北大文學部紀要

盛唐之集賢院

府則有史館、而教授學生之學校亦有國子監。管國子學·太學·四門學·律學·書學·算學六學及州·縣學。其外更有館院之設、可謂備矣。唐朝館院、名稱屢改、興廢不常。今列舉其名目於左、以資於後文之參考。

文學館 武德四年十月、秦王世民（後之太宗）開設於宮城之西、以待四方之士。天策上將府僚屬等、以本官兼文學館學士。諸學士食五品珍膳、分為三番、更直宿閣下、每日引見、討論文典。本效修文館而設、因此秦王及僚臣之文名大揚。

弘文館 所屬門下省。武德四年正月置修文館。同九年三月改為弘文館。太宗即位大闡文教、於弘文殿聚四部群書廿餘万卷。於殿側置弘文館、精選天下賢良文學之士、以本官兼學士、令更宿直。聽朝之隙引入內殿、講論文義、商量政事、或至夜分方罷。貞觀年中、虞

世南等十八人、皆以弘文館學士會于禁中、內參謀猷延引講習、十數年間多至公輔、當時稱為十八學士。神龍元年十月改為昭文館、避孝敬諱改也。翌年又改為修文館。景龍二年四月、修文館增置大學士四員·學士八員·直學士十二員、徵攻文之士以充之。景龍文館之盛名風靡一世矣。景雲元年館中學士多以罪被貶黜、宰臣遂令給事中一人權知館事。翌年三月復改為昭文館。至于開元七年九月、依旧改為弘

文館

崇文館 所屬東宮。顯慶元年三月皇太子弘請置、稱崇賢館。至于上元二年八月避章懷太子諱、改名崇文館。

崇玄館 開元廿九年正月、於兩京及諸州玄元皇帝（老子）廟置崇玄博士、令學生習道德經·莊·文·列子。待習業成後、每年隨貢舉人例送至省、准明經例考試。天宝二年正月改兩京崇玄學為崇玄館、以博士為學士。天下諸郡崇玄學、改為通玄學。至德以後衰退。

廣文館 所屬國子監。天宝九載七月置。領詞藻之士、而從生徒為進士業者。至德後廢。所屬中書省。其沿革詳於下文。

集賢院 獨立不屬他署。開元初置。以藝能技術見召者處之、又選朝官有詞藝學識者入翰林、供奉勅旨。開元廿六年在翰林之南置學士院、翰林院以翰林供奉、改稱學士、俾掌內制。至德以後其任漸重、及貞元元年九月依勅明預班列。因軍國多事、常需親密天子商議機要之人、

而翰林學士選用益重、禮遇逾親、至為內相。學士大約六員、其中承旨一員尤為重任。（一）

皇帝徵文學之士於諸館院、其用凡有二途、一方管掌學藝、撰述編纂以輔文治、而他方領掌王言制誥、密邇於帝旨、專為天子之秘書也。右揚館院中、弘文·崇文·崇玄·廣文皆與教授生徒、常為出身科第之門戶。而翰林院者、中唐以降

外朝中書門下宰相之權漸移於翰學、被稱內相、既離于藝苑、專典樞機。只集賢一院、概不干預教育。雖是文學之士任官捷徑、其科第關係不甚密接。更不關於政治的機密、而專以斯文藝能為己任。有唐一朝、終始純粹的文化機關也。集賢院之特色、蓋在於茲矣。

本院之隆盛、多賴於張燕公說才翰、而時代的風氣亦頗能贊助之。既而張九齡繼承之、保持名聲。此院之設、本為皇帝文學技藝之顧問、然而其發展的結果、不但為盛世之粉飾、居然成為一代學問藝術之中核也。孫愐云、「我國家偃武修文、大崇儒術、置集賢之院、召才學之流。自開闢以來、未有如今日之盛。」（天寶十載撰、唐韻序）、可以想見其隆昌。其後李林甫·陳希烈以下、雖不無才藝、猶不免輪數籌於面張。以降集賢精華既散、稍存傳統、以及於中唐亂世也。

今日通觀集賢院之文化活動、不難認識其專力博搜而忽視創造、優長雕琢而欠乏風韻。固然是因由盛唐王朝時代背景之所使然、亦被限於古代貴族文化的屬性也。然而集賢藏書可比於古典古代歷山圖書館、而且開元四部錄之於目錄、大衍曆之於曆法、開元札及六典之於典制、初學記之於簡約類書等々、中國古代文化的豐富成就、媒介本院而集成結實、以保存後世也。集賢院之功績、固不可沒。

關於開元天寶時代的集賢院、集賢學士韋述所撰集賢注記一書 新唐志·直齋解題共作三卷、郡齋志及中興書目（玉海48引）作二卷。中興書目註云、「今本二卷、乾道九年六月洪遵以太清樓本校

之、僅可訛。」書目所引原序云、韋述自登書府、至天寶十五載凡四十年。緬想同時凋亡已盡、後來賢彥多不委書院本末、歲月漸久或慮湮沈。敢因東觀之暇、聊記置院經始及前後學士名氏。事皆親覩不敢遺隱。時丙申歲（天寶十五載、西紀七五六年）二月也。」本書名或作集賢記注·集賢記。

尤為詳悉。可惜已佚、纔存佚文若干。今就職官分紀·玉海諸書綴輯其遺文、以為敘述之經、而參之以其他文獻所伝有閱集賢事蹟為緯、略存盛唐集賢院之梗概焉。

1 沿革

開元三年冬十月甲寅(六)制曰、「朕聽政之暇、常覽史籍。事閑理道、實所留心。中有闕疑、時須質問。宜選耆儒博學一人、每日入內侍讀。」以光祿卿馬懷素爲左散騎常侍、褚無量並充侍讀。〔舊唐書(以下畧稱旧)8玄宗紀。參看旧102馬懷素·褚無量本伝·通鑑211·冊府元龜(以下畧稱冊府)599〕

學校部侍講

右散騎常侍褚無量·馬懷素侍宴、言及內庫及秘書墳籍。上曰、「內庫書、皆是太宗·高宗前代旧書。整比日、常令宮人主掌、所有殘闕、未能補綴。篇卷錯乱、檢閱甚難。卿試爲朕整比之。」〔唐會要(以下畧稱會要)35經籍。參看旧102褚無量伝·旧46經籍志序〕

開元五年、始有制。於東京乾元殿之東廊、排写四部(一作四庫)書。右散騎常侍崇文館學士舒國公褚無量充使檢校。〔職分紀(以下畧稱分紀)15·玉海52引集賢注記(以下畧稱注記)。參看旧102褚無量伝·冊府608學校部刊校〕

初(褚)無量奏、前開喜縣尉盧僎·前江陽縣尉陸去泰·前左監門胄曹參軍王擇從·武陟縣尉徐楚璧、分庫檢校。〔會要64集賢院。參看新唐書(以下畧稱新)200褚無量伝〕

泊開元五年、於乾元殿東廊下写四部書、以充內庫。仍令右散騎常侍褚無量·秘書監馬懷素總其事。置刊定官四人、以一人判事。其後因之。〔六典9集賢院注〕

有詔句校秘書。是時文籍盈漫、皆衰朽蟬斷、籤勝紛舛。懷素建白、「願下紫微黃門、召宿學巨儒、就校繆缺。」又言、「自齊以前旧籍、王儉七志已詳、請採近書篇目及前志遺者、統儉志以藏秘府。」詔可、即拜懷素秘書監。乃召國子博士

尹知章・四門助教王直・直國子監趙玄默・陸渾丞吳綽・桑泉尉韋述・扶風丞馬利貞・湖州司功參軍劉彥直・臨汝丞宋辭玉・恭陵令陸紹伯・新鄭尉李子釗・杭州參軍殷踐猷・梓潼尉解崇質・四門直講余欽・進士王愜・劉仲丘・右威衛參軍侯行果・邢州司戶參軍袁暉・海州錄事參軍晁良・右率府胄曹參軍母嘜・榮陽主簿王灣・太常寺太祝鄭良金等・分部撰次。踐猷從弟秘書丞承業・武陟尉徐楚璧・是正文字。懷素奏秘書少監盧備・崔沔為修圖書副使。秘書郎田可封・康子元為判官。然懷素不善著述・未能有所緒別・會卒。〔新199馬〕

開元五年十一月〔六典作十二月〕勅・「於秘書省・昭文館兼廣召諸色能書者充。皆親經御簡。」後又取前資・常選・三衛・散官・五品以上子孫・各有年限・依資甄叙。〔會要64集賢院〕

〔開元〕六年三月五日・學士以下・始入乾元院。〔玉海52〕

開元六年八月十四日・制令中書門下及文武百官・入乾元殿就東廊觀書。內庫出絹絲・分賜無量及四庫官有差。

無量奉詔整比

四庫書・總施標軸〔玉海27引〕〔注記〕。參看分紀15

其冬・車駕入京。其乾元殿書籍・始令於京大內東宮之麗正殿〔麗正殿在東宮正殿崇教殿之北・光大殿之南〕〔玉海167引注記。參看玉海48・159〕

〔開元六年十二月・乾元書院更号麗正〕

修書院。〔玉海52引注記〕安置。秘書官並為修書學士。麗正殿檢校官・以麗正殿直學士為名。〔分紀15〕

至六年以後・秘書丞殷承業・右贊善大夫魏哲・通事舍人陸友〔一作〕悌・右內率府兵曹參軍劉懷信・胡履虛・恭陵令

陸紹伯・扶風縣丞馬利貞・並別勅收入院。〔會要64集賢院〕

開元七年五月・麗正殿寫四庫書。〔降〕勅〔於〕秘書〔省〕・昭文〔館〕・禮部・國子監・太常寺及諸司・〔并〕官人〔及〕百姓

等・就借〔繕〕寫之。〔冊府50帝王部崇儒術〕

〔參看會要35經籍〕

七月〔九月〕詔日・「比來書籍缺亡后多錯亂者・良由籍歷不明・綱維失序。或須披閱・難可簡尋。今麗正殿寫四庫書・

各於本庫、每部別爲目錄。其與四庫目不類者、依劉歆七略、排爲七志。其經史子集及天文、以時代爲先後、以品秩爲次第。其三教珠英、既有缺落、宜依書目隨次修補。朕當披覽、無使闕遺。」〔冊府608學校部目錄。〕

〔開元〕八年、褚常侍(卒)。春(正月)(元)行冲知麗正殿事。始取秘書學士、入麗正校勘、通前廿人。自此秘書事罷、兩處學士、合而爲一。〔分紀15引注記、摺玉海52〕

開元八年正月、以散騎常侍元行冲充使、檢校院內修撰官。〔會要64集賢院〕

〔元〕行冲知麗正院、又奏(陸)紹伯·(馬)利貞·(劉)彥直·(殷)踐猷·(侯)行果·(李)子釗·(王)直·(母)嘜·(韋)述·(王)灣·(趙)玄默·(余)欽·(鄭)良金、與朝邑丞馮朝隱·冠氏尉權寅猷·秘書省校書郎孟曉·揚州兵曹參軍韓覃·王嗣琳·福昌令張排·進士崔藏之、入校麗正書。由是秘書省罷撰綴、而學士皆在麗正矣。〔新199馬懷素傳〕

開元八年十月勅、學士等入經三年以上爲年深。若校理精勤、紕繆多正、及不能詳覈、無所發明、委修書使錄奏、別加褒貶。〔六典9集賢院注。〕

〔開元〕十年春、車駕幸東都。始移書院於明福門外、中書省之北、仍以麗正爲名。〔分紀15引注記。參看玉海52引注記。〕

〔十年〕九月詔、張燕公都知麗正殿修書事、秘書監徐堅爲副。張排改充知圖書括訪異書使。〔玉海52引注記。參看分紀15引注記。〕

開元十年十二月、太子中允張排充知搜訪書畫使。〔歷代名畫記2〕

〔開元〕十一年春、車駕北巡、便祠后土。歸京師、始於大明宮光順門外、創造書院。依旧謂之麗正書院。〔分紀15引注記〕

〔開元〕十二年冬、車駕入都。始於明福門外、別置院。亦以麗正書院爲號。〔分紀15引注記〕〔與十年春記事重複、始字或衍。〕

〔開元〕十三年、詔改集仙殿爲集賢殿。改麗正書院爲集賢書院。以中書令張說·右散騎常侍徐堅、並爲集賢學士。說知院事。自餘並以旧官爲學士及侍講學士等。集賢院學士之名、始於此矣。〔分紀15引注記〕

十三年四月三日、因奏封禪儀注、勅中書門下及札官學士等、賜宴于集仙殿。上曰、「今与卿等賢才、同宴于此。宜改集仙殿麗正書院為集賢院。」乃下詔曰、「仙者捕影之流、朕所不敢。賢者濟治之具、當務其實。院內五品已上為學士、六品已下為直學士。中書令張說充學士知院事。(右)散騎常侍徐堅為副。札部侍郎賀知章·中書舍人陸堅、並為學士。

國子博士康子元為侍講學士。考功員外郎趙東曦·監察御史咸廩業·左補闕韋述·李子釗·陸去泰·呂向·拾遺毋煥·太學助教余欽·四門博士趙玄默·校書郎孫季良並直學士。太學博士侯行果·四門博士敬會真·右補闕馮驥、並侍講(直)學士。」〔會要64集賢院。參看通鑑212〕

開元十八年十二月戊申(廿八)〔舊紀8玄宗紀。參看〕、尚書左丞相燕國公張說薨。〔舊紀8玄宗紀。參看〕

(開元)十九年二月詔、中書令蕭嵩為集賢院學士知院事修國史。〔分紀15〕

三月詔、桂州刺史張九齡為秘書少監集賢院學士副知院事。〔分紀15〕

(開元)廿一年十二月張九齡起復、中書侍郎同中書門下平章事集賢院學士副知院事。時雋御副使居相位、專總院務。〔分紀15〕

〔分紀15〕
〔引注記〕

開元廿四年、造興慶宮集賢院。〔參看以下〕

開元廿八年、造華清宮集賢院。〔省舍項〕

2 省 舍

○京大明宮集賢院 (本命婦院之地、開元十一年分置此院。北院全取命婦院旧屋〔會要64集賢院〕)

北大文学部紀要


盛唐之集賢院

在光順門外大街之西。南隣命婦院、北接宮垣、東隔街則諸王待制院・東史館、西卽將作監內作木場。院內東西八十步、南北六十九步。中院中廳三間六架、知院學士所居。堂東序開閣、曲入小院內廳、三間四架。廳西軒廊三間接書閣。廳西四部書閣及紙筆雜庫、十間六架。東廳七間四架、諸學士等分居之。東北院小堂、三間五架兩廈。北院北行十間十架。屋西學士厨院。西行三間兩廈、東行兩間偏庖音刺、偏庖舍也。篇訓云下屋也。西院西行二十間四架、東行十間四架。院北面書手厨屋、六間兩廈。院內有雜果百餘株。外西院、自中間而西長廊道北十間、道北南六間。院內正屋、三間四架。一行師所居、院中有仰觀臺、即一行占候之所。院北有小園一所。〔分紀15引注記。參看玉海162・169引注記〕

集賢院南壁、画陰鏗詩圖。北壁、画叢竹雙鶴。四庫當門、画夫子坐於玄帳、左右諸弟子執經問道。


〔野客叢書27引注記〕

○西京長安城集賢(麗正)院所在 (表示■)



北大文学部紀要

○大明宮集賢院略圖



盛唐之集賢院

○興慶宮集賢院 （開元廿四年，駕在東都。張九齡遣直官魏光祿先入京造此院。〔會要64集賢院〕）

在和風門（外）橫街之南。東隔外巷，隣中書省。西接上舍內局。南隔巷，即弘文館。北街殿中省徽扇院，并有廊後官廚。院內東西廿三步，南北卅三步。知院事學士正廳，五間五架。廳東挾室，兩間三架，判院學士居之。東行四間五架，學士居之。西行四間五架，院內雜庫及內史居之。南行十間兩椽，分為廚庫及書抄寫食所。院內雜樹十餘株，兼有假山、叢竹清涼蔭暎。中門之外，道西步廊兩門。門前東西有長廊，即是中書西和風門。每日初曉，宰相入省，及仗下後，百寮有向中書，就執政諮決事者，皆由于此。〔分紀15引注記。參看玉海167引注記〕

○華清宮集賢院 （開元廿八年造。）

在宮北橫街之西。南隣羽林仗院。北隔街金吾湯院。東接驃騎大將軍高力士宅。西隣衛尉寺。院內東西四十八步，南北五十步。當中，知院學士正廳，三間五架。東廳三間四架，內史居之。西廳三間四架，學士分居之。東廳之北，東行三間四架。西廳之北，東行三間四架。北行九間兩廡。中門一間，門西屏內精舍。徘徊一門。東院北行三間兩廡，東行三間兩廡。東西兩院，隔南北長院，出當大門。〔分紀15引注記。參看玉海167引注記〕

○東京集賢院 （本太平公主宅。開元十年三月，始移書院於此。西向。〔看玉海167引注記〕）

在明福門外大街之西。院東隔街對武成宮。院西又有南北街，街西則史館及尚食局。南隣中書省。北接宮城。院內東西四十一步，南北五十八步。書堂東向五間六架。東院東行書廊十五間，南行五架。書堂之南，挾室三間五架。書堂之北，挾室三間五架。北行徘徊兩間四廡。院庭當中徘徊亭一間四廡，南院西廳三間四廡。東行五間，南行四間兩廡。當書院大門永巷南正堂，北向三間兩廡。西院南行四間兩廡，北行五間四廡，西行八間。院庭当中有徘徊精舍。四面步廊周廻，南向開門。兼有禪坐小堂一間。精舍院內，又軒廊接學士所居之室。書院大門之外，有水渠一道，北從崇賢門南流至此。〔分紀15引注記。參看玉海167引注記〕

3 儲藏⁽³⁾

開元中、玄宗購求天下圖書、亦命當時鑒識人押署跋尾。……

〔開元〕十五年 月 日 王府大農李仙舟裝背 內使尹奉祥監。 是集賢院書畫。〔歷代名
畫記3〕

又有「集賢院」圖書定印。〔以判司所取掌
記3 歷代名畫〕

開元十九年冬、駕發京時、集賢院四庫書惣八万九千卷。〔現行會要64作八万一千九百九十卷。又現行
會要35及玉海52引會要共作八万九千卷。〕

經庫 一万三千七百五十三

史庫 二万六千八百廿

子庫 二万一千五百四十八

集庫 一万七千九百六十九 〔現行會要64作一万九千八百六十九卷。又現行會要35
及玉海52引會要共作一万七千九百六十卷。〕

其中雜有梁・陳・(齊)・周及隋代古書。 梁代有大通・大同年所寫書卷、末有校書沈長文・孟宝榮署記。陳代有大建・至德年所寫書
卷、權端・胡琛・李爽・戚邕・虞綜等校、皆用短幅黃牒紙。文字拙惡、書尾者名微位卑、

多不審定。齊・周書、紙墨亦劣。或用後魏時字。自反為婦、文字為字、欠画加點、応三反四。又無當時名輩書記。隋代旧書、最為麗好。
率用広陵麻紙繕写、皆作蕭子雲書、書体妍妙可愛。有祕書郎柳調・崔君儒・明餘慶・竇威・長孫威德等署記。學士孔德紹・彭季彰・李
文博・袁公直等勘校。青赤二色琉璃軸、五色綺帶、織竹帙、紫玄黃表上、織成有御正・御副等字。但年歲漸久、紙色稍黑。赤軸變為黃
矣。

盛唐之集賢院

貞觀・永徽・麟德・乾封・綵章・咸亨旧本。置院之後、新寫書又多於前。皆分別部類、裝飾華麗。

經庫、用白牙木畫軸、赤黃暈帶。史庫、用

碧牙木畫軸、(縹)青暈帶。子庫、用紫檀木畫軸、紫暈帶。集庫、用綠牙木畫軸、緋暈帶。圖書、用紫檀木畫大軸、綠暈交心帶。

籤帙。經庫、用黃牙、錦花織竹書帙、(紅牙)籤。史庫、紅暈錦花織竹帙、綠碧牙籤。子庫、(脫文)(碧牙籤)。集庫、緋暈錦花織竹帙、白牙籤。又有紅色綠牙軸裝。集庫缺本書、白牙黃花軸綠裝。經庫副本、其書帙悉以紫軸、綾綠草綠方丈綾爲裏。又兼有隋代青黃二色

琉璃軸。貞觀時、紫白二檀木軸。咸亨年、平頭漆書軸、紫檀雲花軸、紫檀柁頭軸、白檀通身軸、仰心軸、軸一十七種。帶則兼有紅色・紫・綠・紺素・縫帛五色、凡十八種。朱蠟染架、皆以油帕覆之。每朝去帕拭塵、燦然錦繡、奪人目矣。(分紀15引注記。參看玉海52引注記

・會要35經籍・六典9)

○唐集賢院裝書略表

經庫	集賢院		注記	籤	(六典9・旧唐書47)	清四庫
	軸	帶				
經庫	白牙木面軸	赤黃暈帶	黃牙錦花織竹書帙	(脫文)	鈿白牙軸黃縹帶紅牙籤	草綠
副經庫	紫軸		綾綠草綠方丈綾爲裏			
史庫	碧牙木面軸	青暈帶	紅暈錦花織竹帙	綠碧牙籤	鈿青牙軸縹帶綠牙籤	深紅
子庫	紫檀木面軸	紫暈帶	(脫)	文	彫紫檀軸紫帶碧牙籤	空青
集庫	綠牙木面軸	緋暈帶	緋暈錦花織竹帙	白牙籤	綠牙軸朱帶白牙籤	
欠集庫	又紅色綠牙軸					紫褐
圖書	白牙黃花軸	(綠裝)				
圖書	紫檀木面大軸	綠暈交心帶				

開元廿四年、駕還西京。勅集賢掌書籍、三分留一貯東都。〔玉海52引注記〕

開元廿四年十月、車駕從東都還西京。有勅、百司行從皆令減省。集賢書籍三分留一、貯在東都。〔會要35經籍·64集賢院〕

天宝三載閏二月〔會要35·64作六月〕、更造四庫書籍〔會要作四庫更造見在庫書目〕。〔玉海52引注記〕

經庫 七千七百七十六卷

史庫 一万四千八百五十九卷

子庫 一万六千二百八十七卷

集庫 一万五千七百廿二卷〔分紀15引注記·參看會要35經籍·64集賢院〕

天宝十一載十月、勅祕書省、檢覆四庫書、与集賢院〔計會〕填寫。〔玉海52引注記·六月廿四日勅、祕書監李成裕、排比四庫書、先具奏聞〕

〔從天宝三載〕至十四載、四庫統写〔書〕、又一万六千八百卅二〔會要35作四十三〕卷。〔分紀15引注記·提會要35·64補〕

集賢故事、旧宣索書、皆進副本、無副本者、則促功写進。後亦不能守其事。如上官昭容旧無副本、因宣索便進正本。

庫中今闕此書矣。〔北戶錄3鶴子草條注〕

阮蒼仙圖一卷、集賢無本。〔玉海56引注記〕

有唐惟開元最備文籍。集賢院所藏至七万卷。當時之學士、蓋爲楮無量·裴煜之·鄭譚·馬懷素·張說·侯行果·陸堅·

康子元輩凡四十七人、分司典籍、靡有闕文。而賊逆遽興、兵火交紊、兩都灰燼無存、惜哉！〔龍城錄下〔說郛72·五〕百家註柳集附錄所収〕

蔣乂、集賢學士蔣明之子也。弱冠該博羣籍。其父在集賢日、嘗以兵乱之後、圖籍溷雜、乃白執政、請令乂入院編次。

於是宰相張鎰署乂爲集賢小吏。編錄纔逾一年、於散乱中、釐集二万餘卷、勒成部帙。旁通百家、尤精歷代沿革、後爲

集賢學士。〔冊府608字校部刊校〕

盛唐之集賢院

及潼關失守、內庫法書皆散失。初收城後、臣又充使搜訪圖書、收獲二王書二百餘卷。訪黃庭經真蹟、或云張通儒將向幽州、莫知去處。侍御史集賢直學士史惟則奉使晉州推事、所在博訪書畫、懸爵賞待之。時趙城倉督隱沒公貨極多、推案承伏、遂云有好書欲請贖罪。惟則索看、遂出扇書告誓等四卷、并二王真蹟四卷。問其得處云、祿山下將過向太原、停於倉督家三月餘日、某乙祇供稱意、有懷悅之心、乃留此書相贈。惟則將至闕下。肅宗賜絹百疋、擢授本縣尉。臣從中書舍人兼尚書右丞集賢學士副知院事、改國子祭酒、尋黜廬州長史。承前偽迹臣所棄者、盡被收買、皆獲官賞、不復簡退。人莫知之。及吐蕃入寇、圖籍無遺。〔法書要錄3收徐浩古蹟記〕
〔建中四年三月記〕
弘德二年七月甲申、集賢殿大學士中書舍人侍郎平章事元載奏、〔集賢院圖書、自經寇盜、墜失頗多。請開贖書之令、得一卷賞一千錢。〕許之。〔冊府50帝王〕
〔部崇儒術〕

4 修纂 付用書

○群書四部錄(4)

開元三年、右散騎常侍褚無量·馬懷素侍宴、言及經籍。玄宗曰、〔內庫皆是太宗·高宗先代旧書、常令宮人主掌、所有殘缺、未遑補輯、篇卷錯乱、難於檢閱。卿試爲朕整比之。〕至七年、詔公卿士庶之家、所有異書、官借繕写及四部書成、上令百官入乾元殿東廊觀之、無不駭其広。九年十一月、殷踐猷·王愜·韋述·余欽·母嬰·劉彥直·王湾·劉仲〔新58藝文志〕等重修成群書四部錄二百卷。右散騎常侍元行冲奏上之。〔旧46經籍志序。參看新199馬懷素伝·玉海52〕

是時祕書省典籍散落、條流無叙。懷素上疏曰、「南齊已前墳籍、旧編王儉七志。已後著述、其數盈多。隋志所書、亦未詳悉。或古書近出、前志闕而未編。或近人相傳、浮詞鄙而猶記。若無編錄、難辯淄澠。望括檢近書篇目并前志所遺者、統王儉七志、藏之祕府。」上於是召學涉之士國子博士尹知章等、分部撰錄、并刊正經史、粗創首尾。會懷素病卒、年六十。〔旧102馬懷素傳。參看冊府604・608學校部奏議・目錄〕

無量以內庫旧書、自高宗代即藏在宮中。漸致遺逸、奏請繕写刊校、以弘經籍之道。玄宗令於東都乾元殿前、施架排次、大加搜写、広天下異本、數年間四部充備。仍引公卿已下、入殿前令縱觀焉。開元六年、駕還。又勅無量於麗正殿以統前功。…明年無量病卒、年七十五。臨終遺言、以麗正写書未畢爲恨。〔旧102褚無量傳。參看冊府608學校部刊校〕

開元五年、爲櫟陽尉。祕書監馬懷素受詔編次圖書。乃奏用左散騎常侍元行冲・左庶子齊澣・祕書少監王珣・衛尉少卿吳兢、并述等廿六人、同於祕閣詳錄四部書。懷素尋卒、行冲代掌其事、五年而成。其摠目二百卷。〔旧102韋述傳。參看冊府608學校部目錄〕

懷素卒、後詔祕書官並号修書學士。草定四部、人人意自出、無所統一、踰年不成。有司疲於供擬。太僕卿王毛仲奏罷內料。又詔右常侍褚無量・大理卿元行冲考紕不應選者。無量等奏、修撰有條、宜得大儒綜治。詔委行冲。乃令哭・述・欽總緝部分、踐猷・愜治經、述・欽治史、哭・彥直治子、灣・仲丘治集。八年、四錄成、上之。學士無賞擢者。

〔新199馬懷素傳〕

先是祕書監馬懷素集學者統王儉今書七志。左散騎常侍褚無量、於麗正殿校写四部書、事未就而懷素・無量卒。詔行冲摠代其職。於是行冲表請通撰古今書目、名爲群書四錄。命學士郭縣尉毋哭・櫟陽尉韋述・曹州司法參軍殷踐猷・太學助教余欽等分部修檢。歲餘書成、奏上之。〔旧102元行冲傳。參看冊府608學校部目錄〕

〔開元〕九年十一月十三日、左散騎常侍元行冲、上群書四部錄二百卷、藏之內府。凡二千六百五十五部、四万八千一百

六十九卷。分爲經史子集四部、經庫是殷踐猷・王愜編、史庫韋述・余欽、子庫母嘏・劉彥直、集庫王灣・劉仲(丘)。

其序例、韋述撰。〔會要36〕
〔修撰〕

前後總廿六人、…〔開元〕七年七月、行冲代懷素、於祕書省綜理。…八年春、撰二百卷奏上之。〔玉海52〕
〔引注記〕

○古今書錄・開元內外經錄

自後母嘏又略爲四十卷、名爲古今書錄、大凡伍万一千八百五十二卷〔封氏開見記2典籍條云、開元中定四〕。…而嘏等所

序四部、都錄以明新修之旨、今略載之。…孰有四万卷目・二千部書、名曰首尾、三年便令終竟。欲求精悉、不其難乎。

所以常有遺恨、竊思追雪。乃与類同契、積思潛心、審正旧疑、詳開新制。永徽新集、神龍近書、則釈而附也。未詳名

氏、不知部伍、則論而補也。空張之目、則檢獲便增。未允之序、則詳宜別作。紕繆咸正、混雜必刊。改旧伝之失者三

百餘條。加新書之目者六千餘卷。凡經錄十二家五百七十五部六千二百四十一卷。史錄十三家八百四十部一万七千九百

四十六卷。子錄十七家七百五十三部一万五千六百卅七卷。集錄三家八百九十二部一万二千廿八卷。凡四部之錄四十五

家、都管三千六十部、五万一千八百五十二卷、成書錄四十卷。其外有釈氏經律論疏、道家經戒符籙、凡二千五百餘部

九千五百餘卷。亦具翻訳名氏、序述指帰、又勒成目錄十卷、名曰開元內外經錄。〔旧46經
〔籍志序〕

○後魏書・隋書・說林

開元八年五月、張悱以前福昌令、奉勅修其父大素所撰後魏・隋書・說林。〔玉海55〕
〔引注記〕

○東封儀注

開元十三年八月己未〔九〕、以封禪故、語中書令張説・右散騎常侍徐堅・太常少卿韋縯・祕書少監康子元・國子博士

侯行果等、与札官於集賢院刊撰儀注。〔冊府36帝王部封禪。参看
〔會要36修撰・旧23礼儀志〕

○封禪郊廟詞曲・樂章

開元十三年，詔燕國公張說、改定樂章。上自定声度、說爲之詞、令太常樂工就集賢院教習、數月方畢。因定封禪郊廟詞曲及舞。至今行焉。〔會要32雅樂上。參看冊府569掌禮部作樂〕

○札記義疏

〔開元〕十四年八月六日、太子賓客元行冲等、撰札記義疏五十卷成、奏上之。先是、右衛長史魏光乘上言、「今札記章句踳駁。故太師魏徵、更編次改注、堪立學傳授。」上遽令行冲集學者撰義疏、將立學官。〔左贊善大夫魏哲、因入內侍讀、奏魏文正所編札記、甚有條流。〕

〔玉海69引注記〕行冲於是引國子博士范行恭・四門助教施敬本、檢討刊削。及疏成、右丞相張說駁奏曰、「今之札記、是前漢戴德・戴聖所編、歷代伝習、已向千年、著爲經教、不可刊削。至魏之孫炎、始改旧本、以類相比、有同抄書、先儒所引、竟不行用。貞觀中、魏徵因孫炎所修、更加釐改、兼爲之注。雖加賞賜、其書竟亦不行。〔張燕公奏曰、魏孫類相比、有同抄書、先儒所非、皆不行用。〕嚴炎始改旧本、以徵因炎旧書、整比爲注。〔玉海69引注記〕今行冲等奉勅撰疏、勒成一部、欲与先儒義章句隔絶。若欲行用、竊恐未可。」上然其奏、遂留其書、貯於內府、竟不得立學。行冲怨諸儒排己、退而著論以自釈也。〔會要77論經義。參看旧102元〕

○唐書・唐春秋

〔開元〕十四年七月十六日、太子左庶子吳兢奏曰、「臣往者長安・景龍之歲、以左拾遺起居郎兼修國史。……臣愚以爲國史之作、在乎善惡必書。遂潛心積思、別撰唐書九十八卷。〔玉海41引注記云一百卷〕唐春秋卅卷、用藏於私室。……断自隋大業十三年、迄于開元十四年春三月。即皇家一代之典、盡在於斯矣。即將撰成此書于私家、不敢不奏。又卷軸稍広、繕写甚難。特望給臣楷書手三數人并紙墨等。至絶筆之日、当送上史館。」於是勅兢、就集賢院修成其書。俄又令就史館。及兢遷荊州司馬、其書未能就。兢所修草本、兢亦自將、上令中使往荊州取得五十餘卷。其紀事疎略、不堪行用。〔會要63在外修史。參看〕

盛唐之集賢院

冊府556國
史部採撰

○國史

〔開元〕十五年六月十六日，詔左丞相張說，在家修史。中書侍郎李元紘奏曰，「國史者，記人君善惡、國政損益，一字褒貶，千載稱之。今張說在家修史，吳兢又在集賢院撰錄，令國之大典，散在數所。且太宗別置史館，在於禁中，所以重其職而祕其事。望勒說等就史館參詳撰錄，則典冊旧草不墜矣。」從之。〔會要63在外修史。參看冊府559國史部論議：張說謝修史表（文苑英華592）〕

史館旧有令狐德棻所撰國史及唐書，皆爲紀傳之體。令狐斷至貞觀，牛鳳及迄于永淳。及吳長垣在史職，又別撰唐書一百一十卷，下至開元之初。韋述綴緝二部，益以垂拱後事，別欲勒成紀傳之書。蕭令嵩欲早就，奏賈登·李銳·太常博士褚思光助之。又奏陸善經·梁令瓚入院，歲餘不就。張始興爲相，薦起居舍人李融專司其事。諫議尹愔入館爲史官，未施功而罷。〔玉海46引注記〕

○今上實錄

唐顯進所撰稽典一百卷。燕公奏，留史館修史。撰今上實錄十三卷。韋述知史館，勅令述寫燕公所撰今上實錄廿卷。藏

集賢史庫。

〔玉海48引注記〕

張說今上實錄廿卷

說与唐顯撰次玄
宗開元初事。〔新58藝文志〕

○初學記（存）

開元十六年正月，學士徐堅已下，撰成初學記卅卷，奏之。賜絹有差。写十本分賜諸王。

初尹鳳翔宣勅，与燕公云，「兒子欲學綴文，若御覽、類文、博要、

珠英之類，部秩广大。卿与學士撰集要文，以類相從，務要省便。」

〔玉海57引注記。參看大唐新語9〕

十五年五月一日，集賢學士徐堅等，纂經史文章之要，以類相從。上制，名曰初學記。至是上之。

欲令皇太子及諸王，檢事綴文。〔會要36修

撰。參看冊府。初學記卅卷。張說類集要事以教諸王。徐堅·韋述·余欽
607學校部撰集。施敬本·張烜·李銳·孫季良等分撰。〔新59藝
文志〕

○大衍曆(5)

開元十六年八月己巳(六)、特進張說進開元大衍曆。詔命有司頒行之。〔旧8玄
宗紀〕

一行初奉詔於光大殿、改撰曆經。後移在麗正殿、与學士參校曆術。一行又有曆
以下諸書。又張說撰大衍曆序、見文苑英華736。書廿四卷。〔玉海10引注記。一行事蹟見旧191方伎一行伝。
亦撰賀大衍曆表、見文苑英華570。參看会要42曆。〕

○文府

(開元)十九年二月、礼部員外郎徐安貞等、撰文府廿卷上之。〔会要36
修撰〕

燕公初入院、奉詔搜括文選外文章、別撰一部。於是徐常侍及賀·趙分部檢討。徐等且集詩賦二類、独簡雜文、歷年撰成卅卷。燕公以所
撰非精、更加研考。及蕭令嵩知院(十九年嵩爲學士知院事)、以文選是先祖所撰、喜於嗣美。奏皇甫彬·徐安貞·孫述·張環修統文選。
徐·孫所取、与常侍相乖、別爲廿卷。張始與嫌其取舍未允、其事竟寢。〔玉海54
引注記〕

徐堅文府廿卷。開元中、詔張說括文選外文章。乃命堅与賀知章·趙冬曦分討。〔新60藝
文志〕

○文選注

開元十九年三月、蕭嵩奏王智明·李元成·陳居注文選。先是馮光震奉勅入院校文選、上疏以李善旧注不精、請改注、從之。光
令智明·元成·陸善經、震自注得數卷。嵩以先代旧業、欲就其功、奏智明等助之。明年五月、

專注文選。事竟不就。〔玉海54
引注記〕

○南宮故事

開元十九年三月、盧若虛遷右補闕、入集賢院修撰。若虛博綜墳史、尤明族姓。撰南宮故事卅卷。〔玉海51引注記。參
看分紀15引注記〕

○摩尼光佛教法儀略(現存
尾欠)

盛唐之集賢院

開元十九年六月八日、大德拂多誕、奉詔集賢院譯。〔敦煌本、大正藏經第五四卷外教部取〕

○開元御集

開元廿年二月、勅院內修御集。學士韋述・徐安貞專其事。竟不成。〔玉海28引注記〕

○開元礼〔存〕

〔開元十四年、通事舍人王岳〔上〕疏、請〔改〕撰礼記、削去旧文而以今事編之。詔付集賢院學士詳議。右丞相說奏曰、「礼記漢朝所編、遂爲歷代不刊之典。今去聖久遠、恐難改易。今之五礼儀注、貞觀・顯慶兩度所修、前後頗有不同、其中或未折衷、望與學士等更討論古今、刪改行用。」制從之。初令學士右散騎常侍徐堅〔及〕左拾遺李銳・太常博士施敬本等檢撰、歷年不就。說卒後、蕭嵩代爲集賢學士、始奏起居舍人王〔仲〕丘撰成一百五十卷〔新58藝文志云、命賈登・張・陸善經・洪孝昌撰輯蕭嵩總之〕、名曰大唐開元礼。廿年九月、頒所司行用焉。〔會要37五礼篇目、參看冊府564掌礼〕
開元廿年秋、召集賢院學士等、修大唐開元礼一百五十卷。〔分紀15〕序例三卷・吉礼七十五卷・賓礼二卷・嘉礼四十卷・軍礼十卷・凶礼廿卷。〔玉海69引注記〕

○老子疏

開元廿年九月、左常侍崔沔入院修撰。奉勅與道士王虛貞・趙仙甫并諸學士、參議修老子疏。〔玉海53引注記、參看分紀15引注記〕

○籍田儀注

開元廿三年正月、勅中書令張九齡・光祿卿韋縉、與礼官就集賢院撰籍田儀注。〔會要36修撰〕

○老子御注・老子疏義〔存〕

開元廿三年三月廿七日、上注老子、并修疏義八卷。…頒示公卿。〔會要36修撰、參看冊府53帝王部尚黃老〕「年、親注老子道德經、令學者習之。又易州御注道德經碑云、開元廿年十一月十四日勅云云、廿六年十月奉勅建。〔金石萃編83收〕

○開元文字音義

開元廿三年三月廿七日、上製開元文字音義卅卷、頒示公卿。〔會要36 修撰〕

古文字惟說文・字林最有品式。因備所遺缺、首定隸書、次存篆字、凡三百廿部、合爲卅卷。〔中興書目引玄宗序（玉海45載）〕

右今日日、尹鳳祥宣勅旨、示臣等聖製開元文字音義卅卷。義微旨遠、文省理該、表隸以訓今、存篆以徵古。衆衆大備、取證於前修、片言旁通、去嫌於翻字。信文思之精一、學術之明準、非聖心之善誘、焉降情於豪素。臣等忝居近侍、再忭發蒙、捧戴之誠、實百恒品。望令集賢院更寫一本、付外流行。謹奉狀陳賀、以聞謹進。〔張九齡曲江集15賀御製開元文字音義狀〕

○春秋音義・毛詩音義・莊子音義

有勅、依文字音義改撰春秋・毛詩・莊子音。張九齡奏、校理官呂證撰春秋音義。鄭欽說撰毛詩音義。甘暉・衛包撰莊

子音義。〔玉海42・45引注記〕

○六典（現存）

開元十年、起居舍人陸堅、被詔集賢院修六典。玄宗手写（直齋解題作上手写白麻紙凡）六條、曰理典・教典・禮典・政典・刑典・事

典。（令以類相從、撰錄以進。）張說知院、委徐堅。經歲無規制。乃命母嘏・余欽・咸廩業・孫季良。韋述參撰、始以

令式（入六司）、象周禮六官之制、（其沿革並入注。然用功艱難。）蕭嵩知院、加劉鄭蘭・蕭晟・盧若虛。張九齡知院、

加陸善經。李林甫代九齡、加苑咸。廿六年書成。

（直齋解題作廿六年奏草上。考古編作遂發詔下有〔新58藝文志。提直齋解題6司。百僚表賀。至今在書院、亦不會行用。〕及考古編9引注記補。參看

玉海51引注記・會要36
修撰・大唐新語9著述

○孝經御注（現存）

天寶二年五月、以重注孝經頒天下。詔曰、「……宜付所司、頒示中外。」〔冊府40帝王部文学〕

盛唐之集賢院

天宝三載十二月勅、「自今已後、宜令天下家藏孝經一本、精勤教習。學校之中、倍加佺授。郡縣官長、明申勸課焉。」

〔會要35〕
〔經籍〕

〔翌年建石臺孝經於國子監。現存。碑載國子祭酒李齊古上表、又存集賢學士李林甫·陳希烈等署名。〕
〔金石萃編87收〕

○尚書 古体文字
字改定

〔天宝〕三載七月詔曰、「……尚書應是古体文字、並依今字繕寫施行。典謨無乖於古訓、庶遵簡易、有益於將來。其旧本仍藏之書府。」
〔冊府50帝王部崇儒術。參看會要35·封氏聞見記2石經條〕

今文尚書十三卷
〔要35·封氏聞見記2石經條〕
〔新57藝〕
〔衛包、改古文從今文。〕
〔文志〕

○道德經·南華經 列諸書之首

〔天宝四載七月〕乙卯詔曰、「……其墳集中有載玄々皇帝·南華等真人、猶称旧号者、並宜改正。其餘編錄經義等書、亦宜以道德經列諸經之首。其南華經等、不須編在子書。仍即令集賢院審詳改定、応旧号并科目訖、具宣付所司、仍頒示中外。」
〔冊府54帝王〕
〔部尚黃老〕

○礼記時令·注解刪定礼記月令

天宝五載正月廿三日詔曰、「……其礼記月令、宜改爲時令。」
〔會要77論經義。參看冊府50帝王部崇儒術〕

乃命集賢院學士尚書左僕射兼右相吏部尚書李林甫·門下侍郎陳希烈·中書侍郎徐安貞·直學士起居舍人劉光謙·宣城郡司馬齊光·河
南府倉曹參軍陸善經·修撰官家令寺丞兼知太史監事史玄晏·待制官安定郡別駕梁令瓚等、爲之注解。臣等虔奉綸旨、極思何有、愧無演
暢之能、謬承載筆之寄、義深罕測、學淺無能、莫副天心、空塵聖意、謹上。〔開成石經礼記月令李林甫上表。參看新57藝文志〕

○道德經注·孝經疏

天寶五載（二月廿四日）詔曰、「道爲理本、孝實天經。將闡教以化人、必深究於微旨。朕欽承聖訓、覃思玄宗。頃改道德經載字爲哉、仍隸屬上句、及乎議定、衆以爲然。遂錯綜真詮、因成注解。又孝經旧疏雖粗發明、幽晦探賸無遺猶未能備。今敷暢以広闢文、且妙本逾玄、微言久絶。或怡然独得、或參以諸家。庶弘聖哲之規用、叶君親之義。仍令集賢院具写、送付所司、頒示中外。」〔冊府40帝王部文学。參看会要77論經義。〕

○群書政要

天寶十三載十月、勅院內別写群書政要、刊出所引道德經文。
先是院中進魏文正所撰群書政要。上覽之稱善、令写十数本、分賜太子以下。〔玉海54引注記〕

○韻英

天寶十四載四月、内出御撰韻英五卷、付集賢院行用。〔会要36修撰〕

上以自古用韻不甚区分、陸法言切韻又未能釐革。乃改撰韻英、仍旧爲五卷。

兼通用韻、以示宰臣等。上表陳賀、付諸道、令諸郡伝写。〔玉海45引注記〕

○道德經御注・疏義（現存）

（天寶十四載）十月八日、頒御注道德經并疏義、分示十道、各令巡内伝写、以付宮觀。

〔会要36修撰。參看冊府54帝王部尚黄老・旧9玄宗紀。〕

5 故實

○整理二王等書蹟

北大文学部紀要

盛唐之集賢院

開元五年，勅陸玄悌·魏哲·劉懷信等，檢校（二王真蹟）見換，標爲兩卷、總八十卷、餘並墜失。玄悌又奏云、「前代名賢押署之跡，唯以己之名氏代焉。」上自書開元二字爲号，以印記之（玄宗皇帝自書開元二字、成一印、開元）。王右

軍凡一百卅卷、小王廿卷（玉海45引注記作廿八卷。又法書要錄3收徐浩古蹟記云、玄宗開元五年十一月五日、收綴大小二王真迹得一百五十八卷。大王正書三卷（黃庭經第一·畫識第二·告誓第三。臣以爲画識是偽迹、不近真。）、行書一

百五卷（並不著名姓帖）、草書一百五十卷（以前得君書第一）、（會要35書法。參看徐浩存焉。古蹟記·新57藝文志）張芝·張昶書各一卷。右軍真行書、唯有黃庭·告誓等四卷

存焉。（會要35書法。參看徐浩存焉。古蹟記·新57藝文志）齊高帝姓蕭氏、諱道書一卷（跋尾排署）

開元五年十一月五日（名画記3作月日二字）陪戎副尉臣張善慶（名画記3作王思忠、亦有張龍樹、王行真）裝文林郎直祕書省臣王知逸監宣義郎行左司禦率府錄事參軍臣劉懷信（名画記3注、十年賜名匪矜）監宣德郎行左驍衛倉曹參軍臣陸玄悌（名画記3注、後至十一年爲給事中、賜名堅）監（名画記3附直集賢三字）承議郎行右金吾衛長史臣魏哲監右散騎常侍崇文館學士上柱國舒國公臣褚無量祕書監兼侍讀昭文館學士上柱國常山縣公臣馬懷素開府儀同三司上柱國梁國公臣姚崇銀青光祿大夫行中書侍郎同中書門下平章事監修國史上柱國許國公臣蘇頌銀青光祿大夫守吏部尚書兼侍中監修國史上柱國廣平郡開國公臣璟。（法書要錄4引盧元卿法書錄。參看徐浩古蹟記·歷代名画記3）

開元中，玄宗購求天下圖書，亦命當時鑒識人押署跋尾。劉懷信等亦或割去前代名氏，以己等名氏代之。（歷代名画記3）

開元六年正月三日，命整治御府古今工書鍾王等真跡，得一千五百一十卷。（會要35書法）

十年月日。王思忠裝同上使承議郎守殿中丞知中書尚作事安昌縣（歷代名画記3）開國男臣馮紹正使朝議大夫檢校少府監臣陳義。

○學士侍講

開元十一年春，於大明宮光順門外造麗正書院。夏詔學士侯行果等，每日侍講周易及莊子老子。（賜衣一副、絹一百疋。）

〔分紀15引注記。參看〕
〔玉海26·169引注記〕

駕發東都、北巡祭太行山。至福喜須召學士舍人陳希烈等、於行宮侍講。賜衣兩襲。〔分紀15
引注記〕

○ 獻詩賜贊

開元十一年、張燕公等獻所賦詩。上各賜贊以褒美之。勅曰、「得所進詩甚有佳妙、風雅之道、斯爲可觀。並挾才能、略爲贊述、具如別紙、宜各領之。」上自於五色牋八分書之。
尹鳳翔贊、就院散付學士

張 說德重和鼎 功踰濟川 詞林秀色（一作逸・發） 翰苑光鮮。

徐 堅校書（一作史・文） 天祿 論經上庠 英（一作華） 詞婉麗 雄辯抑揚。

賀知章 札樂之司 文章之苑 學優藝博 才高思遠。

趙冬曦 白簡端嚴 青史良直 清詞雅韻 博文（一作覽） 彊識。

康子元才 識清遠 言談幽祕 四科文學 六書仁義。

侯行果 洪鍾佇叩 明鑑不疲 理窮繁象（一作冤象繁象） 動中威儀。

韋 述職參山甫 業纂玄成 六義（一作藝） 述作 四始飛英。

敬會真 名乃會真 迹惟契道 樞衣講習 臨筵（一作庭） 振藻。

趙玄默 才比丘明 學兼儒墨 叙述嫺婉 講論道德。

東方顯（校理） 地游天祿 門嗣滑稽 三冬足用 六藝斯育。

李子釗 干木流慶 指樹貽芳 諷諫遺闕 啓發篇章。

呂 向（校理） 族茂非熊 才高（一作方） 班馬 考理篇籍 抑揚風雅。

母 暎（音古迺切） 軒墀之任 諫諍之職 聞詩聞禮 有才有識。

盛唐之集賢院

陸去泰才光於晉 價重於張 州縣斯屈 文翰尤長。

咸廩業郁々高文 英才博識 持我刑（一作行）憲 是称（一作式）諒直。

余 欽文章兩瞻 才術兼美 思在窮經 學通（一作專學）旧史。

孫季良蓬山之秀 芸閣之英 雄詞卓傑 雅思縱橫。

〔分紀15引注記。參看玉海167引注記。玉海31〕

○學士面貌

尋勅善写真貌學士等、欲画像書贊于含象亭。属車駕東行、竟不果。〔分紀15引注記。參看玉海167引注記。〕

上初令韋無忝・殷季友 殷絳等、分貌張說等。〔歷代名画記9云、粉本〕燕公以画人手雜、圖不甚精、奏進同州僧法明、

獨貌諸學士等。法明於写貌尤工、切於形似、圖成奏之、上稱善。令藏其本於書院（名画記9）。圖以年久致失。康子元得

本存焉。（名画記9云、後數年、上更索此圖、所由惶惧、賴康子元先写得一本以進。上令却送画院。子元〔玉海57引注記。〕摸歷代名画記復自收之。子元卒、其子貨之、莫知所在。今伝搨本。張說（等）都十七人。其官爵具韋述集賢記下卷。〕〔9法明伝補參看玉海167引注記〕

○皇太子侍講

其後皇太子奏請読周易。上謂人曰、「吾更選一明易而有名行、亦無出於侯行果者。」又令行果隔日爲皇太子講易。

〔分紀15引注記。參看玉海26引注記〕

○定表測候

開元十二年四月廿三日壬子、於京麗正院定表樣、審尺寸。太史馳驛分往測候。

以二分至之日正午、量景長短、數年候之乃定還京。一行校〔玉海5引注記。參看通鑑212・旧35天文志・会要42測景〕之。陳玄景曰、「以丈尺之術、窺天地之大、豈可定乎。」〔看大唐新語13記異〕

○黃道游儀・渾儀

開元十二年五月、沙門一行於書院造黃道游儀、成以進。

一行初奉詔改修曆經、以旧無黃道游儀、測候稍難。梁令瓚刻木作小樣進呈。上令一行參考以爲精密、始就院更以銅鉄爲之。凡二年功乃成、至是

上之。上称善、令令瓚与一行考李淳風法象志、更造渾儀圖。御製游儀銘、并八分書、題於輪上。銘曰、「(孰爲天大 此焉取則 均以寒暑 分諸晷刻) 盈縮不愆 列舍不忒 制器垂象 永鑒無惑。」〔玉海4引注記。提大唐新語9著述補。〕 填以銀字。靈臺用以測候、至今存焉。〔参看玉海31引注記·会要42渾儀圖〕

十三年十月、院中造渾儀成。奉勅向敷政門外以示百寮。

一行改進游儀之後、上令鑄銅爲渾規之器。左衛長史梁令瓚·右驍衛長史恒執珪、分擘規制、鑄爲天像、徑一丈、具列宿赤道及周天度数。注水激輪、令其自轉。議者以爲張衡靈憲不能踰。今留東京集賢院內。院中有仰觀臺、即一行占候之所。〔玉海4引注記。参看会要42渾儀圖〕

○每年頒曆

自置院之後、每年十一月內、即令書院写新曆日一百廿本、頒賜親王公主及宰相公卿等。

皆令朱墨分布、具注曆星。遞相伝写、謂集賢院本。

〔玉海55引

注記〕

○賜宴賦詩

時又頻賜酒饋(一作饌)。學士等、讌飲爲樂。前後賦詩奏上凡數百首。時院中既有宰臣及侍讀屢承恩渥、賜以甘瓜綠李及

四方珍異。燕公詩曰、「東壁圖書府 西垣(一作園) 翰墨林」

誦詩聞國政 講易見天心」

〔恩勅賜食於麗正殿書院宴應制。下句云、「位竊和羹重 恩叨醉酒深」

緩歌春興曲 情竭爲知音。〕 本詩載於張說之文集5·文苑英華168

當時詞人稱爲尤美。前後令趙冬曦·張九齡·咸廩業·韋述爲詩序。學士等賦詩、編

成卷軸以進上、上每嘉賞焉。

〔分紀15引注記。参看玉海167引注記〕

王灣

麗正殿賜宴同勒(一作用)

天前烟年応製「金殿忝陪賞

瓊羞忽降天

鼎羅仙掖裏

觴拜鎮闌前

院逼青霄路

厨和紫禁烟

酒空

飲(一作酣空) 扑舞

何以答昌年」

〔文苑英華168〕

〔唐詩紀事15〕

開元十三年三月，因奏封禪儀注，勅學士等賜宴於集仙殿。上製詩序，群臣賦詩。上于坐上口詔，改爲集賢殿。時預宴者，宰臣源侍中乾曜·張燕公·學士徐堅·賀知章·康子元·趙冬曦·侯行果·敬會真·趙玄默·韋述·李子釗·陸去泰·呂向·咸廩業·母夷·余欽·孫季良·馮朝隱等。時新進櫻桃，上令遍於席上散布，各令諸官拾取之。飲以醇醪清酤之酒，酒酣簾內出彩牋，令燕公賦宮韻，群臣賦詩。并出彩羅，令擲雙六頭子，得重彩者分之。宴訖，賜銀盤雜彩有差。〔分紀15引注記。參看玉海167引注記。〕

玄宗 春曉（一作晚）宴兩相及札官·麗正殿學士探得風字。序云，朕以薄德，祗膺曆數，正天柱之時傾，紉地維之已絕。故得承奉宗廟，垂拱巖廊，居海內之尊，處域中之大。然後祖述堯典，憲章禹績，敦睦九族，會同四海，猶恐烝黎未乂，徭戍未安，札樂之政虧，師儒之道喪。乃命使者，衣繡服行郡縣，因人所利，拯其可勞，所以便億兆也。乃命將士，擐介冑，礪矢石，審山川之向背，應歲月之孤虛，所以靜邊陲也。乃命札官，考制度稽典則，序文昭武穆，享天地神祇，所以申嚴潔也。乃命學者，繕落簡緝遺編，纂魯壁之文章，綴秦坑之煨燼，所以修文教也。故能使流寓返粉榆之業，戎狄稱藩屏之臣，神祇歆其禋祀，庠序闡其經術。既家六合，時巡兩京，函秦則委輸斯遠，鼎邑則朝宗所利。封畿四塞，從來測景之都，城闕千門，自昔交風之地。陰陽代謝，日月相推，豈可使春色虛損，韶華竝歇。乃置旨酒命英賢，有文苑之高才，有掖垣之良佐。舉杯稱慶，何樂如之，同吟湛露之篇，宜振凌雲之藻。於時歲在乙丑，開元十三年三月廿七日。（序載全唐詩）。「乾道運天窮，恒將人代工。陰陽調曆象，札樂報玄穹。介冑清荒外，衣冠佐域中。言談延國輔，詞賦引文雄。野霽伊川綠，郊明鞏樹紅。冕旒多暇景，詩酒會春風。」

張說 奉和御製得開字（一作春晚侍宴麗正殿）「聖政惟稽古，寶門引上才。坊因購書立，殿爲集賢開。旄彥星辰下，仙草日月迴。字如龍負出，韻是鳳銜來。庭柳餘春駐，宮櫻早夏催。喜承芸閣宴，幸捧柏梁杯。」〔文苑英華168。說詩亦載張說之文集2〕

集賢殿書院奉勅送學士張說上賜燕（御製及應製十七首）

張九齡序 集賢殿者本集仙殿也。上不以惟容作聖，而猶重意好學，用相必本於經術，圖王亦始於師臣。及乎鴻生碩儒，博聞多識之士。自開元肇建，以迄於今，大用徵集，煥乎庠內。而聽政餘暇，式燕在茲，忠臣嘉賓，得盡心之所，聰明文思，有光被之德。故下以道親，

上亦歛甚。卽於御座、爰發德音、以爲候彼神人。事雖千載、伝於方士、言固不經、遂改仙爲賢。去華務実、且有後命、增其學秩。是以集賢之庭、更爲論思之室矣。中書令燕國公、外弼庶績、以奉沃心之謀。內講六經、以成潤色之業。故得出入華殿、師長翰林、惟帝用臧、固天所賴。拜命之日、荷寵有加、降聖酒之疊、頒御厨之膳、食以樂侑、人斯德飽。時有侍中安陽公等承恩預焉。學士右散騎常侍東海公等攝職在焉。或齒稷大賢、或泉雲諸彦、文王多士、周室以寧。武帝得人、漢家爲盛。而高視前古、独不在於今乎。咸可賦詩、以光鴻烈。

〔曲江集16·文苑英華709〕

玄宗「広学開書殿 崇儒引席珍 集賢照（一作招）衰職 論道命臺臣 礼樂治今古 文章革旧新 猷酬譚組列 賓主位班陳 節宴雲初

夏 時移氣尚春 新稀（一作所希）光史冊 千載仰茲辰。」

張說 奉和聖製送赴集賢院（賦得輝字）「侍帝金華講 千齡道固稀 位將賢士設 書共学徒帰 首命深燕隲 通經淺漢韋 列筵榮賜食

送客貴（一作愧）儒衣 賀燕窺簷下 遷鶯入殿飛 欲知朝野慶 文教日光輝。」

源乾曜 同前（賦得迎字）「盛業光書府 徵人盡國英 絲綸賢得相（一作相称） 群俊學爲名 龍命垂天錫 崇恩發睿情 薰風清禁御

（一作簾） 文殿述皇明 日霽庭院出 池噓水氣生 歡娛此無限 詩酒自相迎。」

裴灌 同前（賦得昇字）「聞道圖書盛 尊儒礼教興 石渠因學広 金殿爲賢昇 日月恩光照 風雲龍命膺 謀猷言可範 舟楫事斯憑

宴喜明時治 光輝湛露凝 大哉堯作主 天下頌歌称。」

蘇頌 同前（賦得茲字）「肅々金殿裏 招賢固在茲 鏘々石渠内 序拜亦同時 宴賜歛談道 文成貴說詩 用儒今作相 敦学旧爲師

下洛天光近 中来帝渥滋 國朝良史載 能書日論思。」

韋杭 同前（賦得西字）「広庭臨璧沼 多士侍金闕 英宰文儒叶 明君日月齊 集賢光首拜 改賜（一作殿）發新題 早夏初移律 金

花尚弘溪 壺觴接雲上 經術引闕（一作闕）西 聖德鴻名遠 將陪玉檢泥。」

程行謹 同前（賦得廻字）「聖主崇文化 鏘々得盛才 相因婦夢立 殿以集賢開 象繫微言闡 詩書至道該 堯樽承帝澤 禹膳自天来

礼洽歛逾長 風恬暑更廻 國朝將舜頌 同是一康哉。」

徐堅 同前（賦得虚字）「崇文德化洽 新殿集賢初 庸非參嘉選 首濫承明廬 殊私光輔弼 榮送到簪裾 座引中厨饌 杯錫上樽餘

翠葉濃丹苑 晴空卷碧虚 忝同文史地 願草登封書。」

李嵩 同前（賦得催字）「偃武堯風接 崇文漢帝（一作道）恢 集賢更内殿 清選自中臺 佐命留侯業 詞華博物才 昊天（一作天厨）

盛唐之集賢院

千品降 夏日（一作旨）百壹催 鴛鴦（一作鵲鴛）方成列 神仙喜暨陪 復欣同拜首 叨此頌良哉。」

蕭嵩 同前（賦得登字）「帝曰簡才能 旌賢在股肱 文章體一變 禮樂道逾弘 芸閣英華入 寶門鸞鷟登 恩筵過所望 聖澤美超恒

夏葉開紅蕊 餘花發紫藤 微臣亦何幸 叨此預文明。」

李元紘 同前（賦得私字）「碩儒延鳳詔 金馬被鴻私 饌玉迥丹禁 賤花降紫墀 銜恩傾旨酒 鼓舞詠康時 鸞觀群書縉 逾昭盛業不

接筵欣有命 擲管媿無詞 自驚一何幸 太陽還及葵。」

賀知章 同前（賦得暮字）「西學垂玄鑒 東堂發聖謨 天光燭武殿 時宰集鴻都 枯朽霑皇澤 翻飛舞碧梧 跡同游汗漫 榮是出（一

作拔）泥塗 三歎承湯鼎 千歎接舜壺 微軀不可（一作可不）答 空欲詠依蒲。」

陸堅 同前（賦得今字）「聖主崇文教 層霄降德音 尊賢澤既厚 式宴寵逾深 復有鸞龍相 良哉簡帝心 得人惟邁昔 多士諒推今

書殿榮光滿 儒門喜氣臨 顧惟誠濫吹 徒此接衣簪。」

劉昇 同前（賦得賓字）「圖書應明主 策府宴嘉賓 臺閣臨東壁 乾光自北辰 網羅窮象繫 述作究天人 聖酒千鍾洽 仙廚百品（一

作味）陳 成山徒可仰 涉海誰知津 幸逢文雅（一作教）盛 還覩頌聲新。」

褚璆 同前（賦得風字）「講習延東觀 趨陪盛北宮 惟師恢帝則 敷教叶天公 宣室恩嘗異 金華禮更崇 洞門清永日 華緩接微風

蕙降堯厨翠 榴開舜酒紅 文思光万宇 高議待升中。」

王翰 同前（賦得筵字）「東堂起集賢 貴得從神仙 首命臺階老 將崇御府員 送人將玉佩 中使挹瓊筵 和樂春（一作薰）風解 湛

恩時雨連 長材成磊落 短翮強翻翾（一作隨） 徒仰蓬萊峻（一作地） 何階不讓緣。」

趙冬曦 同前（賦得蓮字）「淺術方親海 思深忽見天 學開丹殿籍 名与石渠賢 良輔膺休命 微生謬採甄 春餘仍哢鳥 夏近未舒蓮

賤札來宸禁 衣冠集詔筵 史臣知醉德 欲記升平年。」

韋述 同前（賦得華字）「修文中禁啓 改物（一作字） 命名加 臺座徵人傑 書坊庇國華 賦詩開広宴 賜酒酌流霞 雲散明金闕 池

開照玉沙 掖垣留宿鳥 溫樹落餘花 謬此天光及 銜恩醉日斜。」

〔文苑英華168。參看唐詩紀事〕

張說 皇帝降誕日集賢殿賜宴「仲秋金帝起 五日上行標 瑞表王寅露 光伝甲子霄 陰風吹大澤 夢日照昌朝 不独華封老 千年喜祝堯。」

〔文苑英華 168・張
說之文集 5〕

○謝示御書道經

惠文太子範……(開元)十四年病薨。上哭之甚慟，輟朝三日。爲之追福，手写老子經。

〔旧95惠文
太子伝〕

張說撰集賢院謝示道經狀。

〔文収文苑英華 634
張燕公集 11〕

○拜辞大学士称

上欲以張燕公爲大学士。辞曰、「学士本無大称、中宗欲以崇龍大臣、景龍中、修文館乃有大学士之名。如臣末学、動皆陛下規模、豈敢以大爲称。」辞再三、從之。

〔分紀15引注記。參看
會要 64・新説張說伝〕

○学士精選

褚常侍奏、以学士爲称、相承並即入御。張燕公嘗謂人曰、「学士者文儒之美称、皆須詔勅特授、豈合因循自名。」至是承恩、然後列名詔後。

清要、望實具美者、無以居之。雖然終是具員之吏、又非往賢所慕。学士者懷先王之道、爲縉紳軌儀。藏揚班之(詞)彩、兼游夏之文学、

始可以处之無愧。二美之中、此爲愈也。」

〔分紀15引注記。參
看大唐新語 11 褒錫〕

○集賢幕次

開元十四年、駕至東都。百官於天津橋南酺宴。集賢院幕次、在中書門下次、尚書省之上。

時燕公欲尊崇儒学、令檢校御史
及衛尉、依張說集賢院官設大勝、

懸於幕上。徐常侍晨入、遂令去之、謂諸学士曰、「君子欲晦其美、不欲多上人也。書院權制、非百司之列。徒以朝廷尚儒、宰相爲使、遂得列於諸司之上。当自挹退、不宜光耀以損儒風。」及百僚列坐、郎官竊議不伏。角觚既動、郎中・員外盡求入院、幕下学士、頻失其位次。〔分紀15引注記〕

盛唐之集賢院

○品評文士

開元十六年，張燕公拜右丞相，依旧學士知院事。

燕公與徐常侍、聖曆年間爲珠英學士，每相推重。至是旧學士死亡並盡，唯一人在。燕公嘗手寫同時諸人名，與觀之悲歎良久。徐曰：「諸公昔年皆擅一時文詞，

之美，敢問孰爲先後？」燕公曰：「李嶠·崔融·薛稷·宋之問之文，皆如良金美玉，無施不可。富嘉謨之文，如孤峯絕岸，壁立万仞，

叢雲鬱興，震電（一作雷）俱發，誠可畏也。若施於廊廟則爲駭矣。閭朝隱之文，如麗服靚粧，衣之綺繡，燕歌趙舞，觀者忘憂。然類之

雅頌則爲罪矣。」徐又曰：「今之後進文詞孰賢？」公曰：「韓休之文，如太羹玄酒，雖有典則而薄于滋味。許景先之文，如豐肌膩理，

雖濃華可愛而乏于風骨。張九齡之文，如輕縑素練，雖濟時適用而窘于辺幅。王翰之文，如瓊林玉樹，雖炫（一作爛·冷）然可觀而多有

玷闕。若數子者各能歲其所闕，濟其所長，亦一時之秀，可繼于前賢爾。」（分紀15引注記。參看大唐新語8文章）

○學士同飲

張說拜集賢學士，於院廳讌會舉酒，說推讓不肯先飲。謂諸學士曰：「學士之礼，以道義相高，不以官班爲前後。說聞

高宗朝修史，學士有十八九人。時長孫太尉以元舅之尊，不肯先飲，其守九品官者，亦不許在後。乃取十九杯，一時舉

飲。長安中，說修三教珠英。當時學士亦高卑懸隔，至於行立前後，不以品秩爲限也。」遂命數杯，一時同飲。時議深

實之。（大唐新語7識量。參看新125）

（張說傳·麟臺故事5恩榮）
至今館職序坐，猶以年齒爲差。亦燕公流風之所及歟。（麟臺故事）

○分賜二王真跡搨本

開元十六年五月，內出二王真跡及張芝·張旭等真跡總一百五十（會要作六十）卷，付集賢院，令集字搨進。尋且依文搨兩

本（會要作四本，當作廿本）。進內，分賜諸王。後屬車駕入都，却進真本，竟不果進集字。（法書要錄4引章述叙書錄。參看會要35書法）

至十七年，出付集賢院搨廿本，賜皇太子諸王等。十九年收入內。（徐浩古蹟記）

○搜訪二王書

明年(開元十九年)二月、以中書令蕭嵩爲大學士、令訪二王書。

乃於滑州司法路琦家、得羲之正書扇書一卷。是貞觀十五年五月五日揚州大都督駙馬都尉安德郡開國公楊師道進。其標是碧地織成、

標頭一行、潤一寸黃色織成云、晉右將軍王羲之正書卷第四、兼小王行書三紙、非常合作。亦既進奉。賜路琦絹二百疋、蕭嵩二百疋。其書還出令集賢院損、賜太子以下。〔徐浩古蹟記〕

○三殿侍講

(開元)十八年十月、命集賢院學士陳希烈等、於三殿講道德經。

侍講學士宗正少卿康子元・贊善大夫馮朝隱等、於三殿侍講。

遂命集賢院學士中書舍人陳希烈・諫議大夫王迥質・〔分紀15・玉海26引注記、繫之於開元十九年三月(廿年)十二月、而注云、先是調周易畢、子元等各蒙錫賁。〕

侍講學士陳希烈等講書畢。尚書左丞相集賢院學士蕭嵩奏曰、「伏見去年以來有勅、令集賢院學士工部侍郎陳希烈・

諫議大夫王迥質・膳部郎中馮朝隱等、每日侍講玄元皇帝道德經及周易・尚書・莊子等。以今月廿四日講畢。……………」

〔冊府53帝王部尚黃老。參看分紀15・玉海26引注記〕

開元廿年十月、講尚書及莊子。馮朝隱等侍講、各賜衣兩襲。

〔玉海26〕

○宰臣寫告身

開元廿三年十月、制加皇子榮王已下官爵。令宰相及朝官工書者、就集賢院寫告身以進。

於是宰相張九齡・裴耀卿・李林甫・朝士蕭太師嵩・李尚書嵩・崔少

保琳・陳黃門希烈・嚴中書挺之・張兵部均・韋太常陟・褚諫議庭誨等十三人、各寫一通、裝縹進內。

〔容齋隨筆3引注記〕

○裴耀卿歎文籍之美

開元廿三年、加榮王已下官。勅宰臣入集賢院分寫告身、以賜之。侍中裴耀卿因入書庫觀書。既而謂人曰、「聖上好文、書籍之盛事、自古未有。朝宰充使、生徒雲集、觀象設教、盡在是矣。前漢有金馬・石渠、後漢有蘭臺・東觀、宋有總明、陳有德教、周則虎門・麟趾、北齊有仁壽・文林。雖載在前書、而事皆瑣細、方之今日、則豈得扶輪接轂哉！」

〔大唐新語1匡贊。
參看玉海52引注記〕

○寫令長新誠

開元廿四年二月甲寅（四日）、宴新除縣令於朝堂。上作令長新戒一篇、賜天下縣令。〔通鑑24〕

初玄宗擇令長一百六十（一作一百六十三）人。又自製新誠。宰相裴耀卿等請、令集賢院善書者書以賜之。其後諸縣往々各以刻石。〔歐陽棗集〕
〔古錄目〕

○御製二章

開元廿五年、宰相上札獻壽。上御花萼樓設宴、製鼎寶・酒醴二章之詩、以相勸誠。各賜宰相五百疋兼銀器等。〔玉海29〕
〔引注記〕

○分掌制誥

開元初、故中書令張說等、又有集仙之比、日用討論親侍、未有典司。玄宗以四陝大同、萬樞委積、詔勅文誥、悉由中書、或慮當劇而不周、務速而時滯、宜有編掌、列于宮中、承遵邇言、以通密命。由是始選朝官有詞藝學識者、入居翰林、供奉勅旨。于是中書舍人呂向・諫議大夫尹愔元充焉。雖有密近之殊、亦未定名。制詔書勅、猶或分在集賢。時中書舍人張九齡・中書侍郎徐安貞等、迭居其職、皆被恩遇。至廿六年、始以翰林供奉、改稱學士。由是別建學士院、俾掌內制。于是太常卿張洎・起居舍人劉光謙等首居之。而集賢所掌、于是罷息。〔會要57翰林院。參看〕
新46百官志〕

案開元・天寶之間、集賢・翰林兩院職掌、略未分化、而兩院任用、一人屢兼也。李白有翰林謫書言懷呈集賢諸學士詩（李太白文集卷22）、可見兩院之親近。

○御書觀寺額

開元廿六年十二月、御書開元觀・寺額。〔玉海33〕
〔引注記〕

令集賢揭以賜諸州。

天寶元年五月、加天寶、寺上改題。

○進龍池頌

開元廿七年四月、光祿卿褒信郡王瑒、進龍池頌。

建立訖、梁上有黃芝之瑞。〔玉海60引注記。龍池事詳見于會要22龍池壇〕

○送賀知章

賀知章拜集賢院學士。後以年老、上表請度爲道士、歸鄉里。詔許之。上親製詩序、令所司供帳、百司錢送、賦詩序別。仍拜其子典設郎曾子（旧伝單名曾、無子字）爲朝散大夫本郡會稽司馬、以申侍養。知章時以羸疾昏耄、舉而往。到會稽、無幾老終。鄉里榮之。〔分紀15引注記。參看玉海29167引注記。旧190賀知章傳〕

玄宗 御製送詩并序云、「天宝三年、太子賓客賀知章、鑒止足之分、抗婦老之疏、解組辭榮、志期入道。朕以其年在遲暮、用循挂冠之事、俾遂赤松之游。正月五日將婦會稽、遂餞東路。乃命六卿庶尹大夫、供帳青門、寵行邁也。豈惟崇德尚齒、抑亦勵俗勸人、無令二疏獨光漢冊。乃賦詩贈行。」詩云「遺榮期入道 辭老竟抽簪 豈不惜賢達 其如高尚心 寶中得祕要 方外散幽襟 独有青門餞 群英悵別深。」又云「筵開百壺餞 詔許二疏婦 仙記題金錄 朝章拔羽衣 悄然承睿藻 行路滿光輝。」

李林甫 詩云「挂冠知止足 豈獨漢疏賢 入道求真侶 辭榮訪列仙 睿文含日月 宸翰動雲煙 鶴駕吳鄉遠 遙々南斗邊。」〔唐詩紀事17賀知章〕

李白 送賀監婦四明底制「久辭榮祿遂初衣 曾向長生說息機 真訣自從茅氏得 恩波寧阻洞庭歸 瑤臺含霧星辰滿 仙嶠浮空島嶼微 借問候樓珠樹鶴 何年却向帝城飛。」〔李太白文集14〕

盧象 送賀祕監婦會稽歌（佚、只序載于全唐文30）

○勅索諸書

天宝六載十二月、勅索孝經鉤命決・王子年拾遺錄・任子道論等四十餘部以進。

〔玉海58引注記〕

○搜訪書畫

天寶中、臣充使訪圖書。有商胡穆聿、在書行販古跡、往往以織成縹軸得好圖書。臣奏直集賢、令求書畫。

〔徐浩古蹟記〕

○遷弘文博士

天宝十三載八月、楊冲·蔡母潜、遷弘文博士。〔玉海112·165引注記〕

○加大學士

至德二載、崔國爲相、加集賢殿大學士、其後因循、遂成恒例。

〔會要64集賢院貞元四年五月十一日李泌奏〕

○御書院額

王維 謝御書集賢院額表云、「臣維言、伏奉今月某日聖札題集賢殿御書院額、捧戴扑舞、不知所裁。竊以先聖微言前王令典、所以興行礼義訓正人倫。頃逆胡凶頑不識經籍、恣行毀裂有甚焚燒。伏惟陛下御極統天功成理定、愍其墜簡、旁搜古壁。發求書之使、置寫書之官。於是九流百家韋編細帙、爛然虎觀盛彼鴻都。加以親重儒門將爲教首、俯題金榜自運銀鈎。龍鳳翔於烟雲、日月照於天地。曾無以喻誰敢強名。況乎方丈之書七分入木、仲將虛爲白首、羲之枉在墨池。將使率土之人知陛下寵茲書府、普天之下敦睦士敦彼儒風。政化之原實始於此。臣忝編次漆簡刊校石經、載光載輝、誠觀誠喜。」〔王右丞集16〕

○勲臣罷節制者待制

〔永泰元年〕三月壬辰朔〔十日辛丑〕詔、左僕射裴冕·右僕射郭英乂·太子少傅裴遵慶·檢校太子少保〔兼御史大夫〕白志貞·太子詹事〔兼御史大夫〕臧希讓·左散騎常侍暢瓘·檢校刑部尚書王昂·高昇〔·檢校工部尚書〔知省事〕崔渙·吏部侍郎李季卿·王延昌·礼部侍郎賈至·涇王傅吳令瑤等十三人、並集賢院待制。上以勲臣罷節制者、京師無職事、乃令於禁門書院〔待制〕、間以文儒公卿寵之也。仍特給殯本錢三千貫。〔旧11代宗紀。參看會要26待制〕官·通鑑223胡注引宋白統通典〕

独孤及 直諫表云、臣等言、伏見陛下……又辛丑詔書、詔裴冕·崔渙等十有三人、并集賢院待制、以備詢事考言之問、此五帝之盛德也。而臣以目覩生則幸矣。然頃者陛下雖容其直而不用其言。進獻上封者大抵皆事寢不報、書留不下。但有容諫之名、竟無聽諫之實。遂使諫者稍稍自引鉗口、就列飽食偷安、相招爲祿仕、此忠鯁之士所以竊歎、而臣亦恥之。〔文苑英華622·〕

〔毘陵集4〕

案永泰集賢待制、有其名而無其美。加銜美名、優寵勳臣而已。盛唐集賢院之文化機能、既變質矣。

6 職掌

學士。五品以上爲學士。每以宰相爲學士者知院事。初張說爲中書令知院制。〔六典9集賢院。〕

〔舊43職官志作院事〕、以右常侍徐堅副之。自爾常以近密官爲副兼判院。〔參看舊43職官志〕

知院學士及副、相承致敬如諸司長官之例。自餘亦約品秩年齒爲前後。雖職位殊絕、然皆抗札相接、無貴賤之隔。

〔分紀15
引注記〕

集賢院學士、掌刊緝古今之經籍、以辨明邦國之大典、而備顧問應對。凡天下圖書之遺逸、賢才之隱滯、則承旨而徵求焉。其有籌策之可施於時、著述之可行於代者、較其才藝、考其學術而申表之。凡承旨撰集文章、校理經籍、月終則進課于內、歲終則考最于外。〔六典9〕

學士、掌分局押書課、及承旨修撰、檢事屬文、及勘校四庫書、隨事分知、亦無定準。

初院奏置四人充賓客爲使、加滿廿人。其後或遷或罷。又有別勅召入、數既不常、竟無員額。〔分紀15
引注記〕

直學士。六品以下爲直學士。
並開元十三年置。

侍講學士。開元初、褚無量、馬懷素侍講禁中。
爲侍講。其後康子元等爲侍講學士。

修撰官、校理官。同直學士、無常員、以佗官兼之。又有留院官。
〔六典9。參看〕
檢討官、皆以學術（舊志作學者）、別勅留之。〔舊43職官志〕

集賢院、有校理、待制、留院、入院、侍講、刊校、修撰、修書及直院等。〔會要64
引注記〕

中使（舊志作押）一人。自乾元殿寫書則置。知（舊志作掌）出入宣伝進奏。
〔舊志加兼領中官監守院門八字〕掌同宮禁。

盛唐之集賢院

孔目官一人。開元五年置。

知書官八人。開元五年置。……大唐平王世充，收其圖書，泝河西上，多有漂沒，存者猶八萬餘卷。自是圖籍在祕書。今祕書·弘文·史館·司經·崇文皆有之。集賢所寫皆御本也。書有四部：故分爲四庫。每庫二人，知寫書出納名目次序，以備檢討焉。

〔六典9。參看旧43職官志〕

書直及写御書一百人。開元五年十二月（會要作十一月）勅，於祕書省·昭文館、兼廣召諸色能書者充。皆親經御簡。後又取前資·常選

開元廿八年勅，造書直及写御書一百人（以下脱文？）〔會要64〕

搨書手六人。乾元殿初置二人。開元十四年奏加至六人。取人及有官同直院。

画直八人。開元七年，勅緣修雜圖，訪取二人。八年又加六人。十九年院奏，定爲直院。

裝書直十四人。開元六年置八人。七年更加十人。十九年八月減四人。

造筆直四人。開元六年置。

典四人。開元五年置二人。九年加二人。〔六典9。參看旧43職官志〕

凡諸司置直，皆有定制。諸司諸色有品直。……集賢院，能書六人·裝書十四人·造筆四人。〔六典2吏部〕

7 祿廩

俸祿各依本官請受。俸外，每月太府給紙筆錢，同弘文館學士及修史官例。〔分紀15引注記〕

凡京司有別借食本。中書門下·集賢殿書院各借本一千貫。……祕書省·弘文館各百貫。皆五分收利，以爲食本。〔六典6比部〕

又賜錢一千貫文、以充食本。

時院內供擬稍厚。中書舍人陸堅亦充翰林供奉、每日入院。堅以學士或非其人、而所司祇供優厚、將爲糜費。嘗謂人曰、「此何益國家、空致如此費損。將建議請一切罷之。」燕公明之曰、「吾聞、自古帝王功成理

定、則有奢縱之戒、或造池臺、或耽声色。豈如今日聖上、崇儒重道、親自講誦、刊校圖書、詳延學者、今日之舉、是聖主也。札樂之司、

永代楷模、不易之道也。所費者細、所益者大。陸子之言、未爲達也。」上聞其言、堅之恩眷漸減初也。〔分紀15引注記。參看大唐新語〕

太府月給蜀郡麻紙五千番。季給上谷墨三百三十六丸。歲給河間·景城·清河·博平四郡兔千五百皮爲筆材。

〔新57藝文志〕

玄宗置麴精潭、砌以銀甃、泥以石粉、貯三辰酒一萬車、以賜當制學士等。

〔雲仙雜記5〕
〔引史譚錄〕

8 官 聯

○知院學士·修書使

自馬懷素至韋見素、知院學士及修書使前後總十一人。

〔玉海167〕
〔引注記〕

馬懷素 字貞規、一曰惟白、潤州丹徒人。開元三年十月、爲左散騎常侍充侍讀。五年於東都乾元殿之東廊、排寫四部書、与褚無量總其事。

又有詔勾校祕書、拜祕書監、召諸學者當事。更統王儉編纂七志。事未就而六年七月、終於河南。年六十。

〔旧102·新139本伝、又存墓誌銘（金石錄補12·古誌石華9·金唐文995収）〕

褚無（原作无、今量） 字弘度、杭州塩官人。開元三年十月、右散騎常侍充侍讀。五年、於東都乾元殿之東廊、排寫四部書、充使檢校。

六年八月、百官入乾元殿觀書、內庫出絹綵、分賜無量及四庫官。後於麗正殿校写四部書。事未就而八年正月、薨

盛唐之集賢院

於長安。年七十五。（旧102·新200本伝、又存蘇頌撰神道碑（文苑英華896収））

元行冲

本名澹，以字顯，後魏常山王業連之後。河南人。開元八年正月，以左散騎常侍充使知麗正殿事。始取秘書學士入麗正校勘，通前廿二人。自此祕書事罷，而處學士合而爲一。又奏諸學者入校麗正書。行冲繼承馬·褚之業，表請通撰古今書目，名爲群書四錄，九年十一月完成獻上。十年，以衰老罷知麗正殿校寫書事。十七年十月卒，年七十七。（旧102·新200本伝）

張說

字道濟，一曰說之，河南洛陽人。開元十年九月詔說都知麗正殿修書事。說首建封禪之儀，草儀注獻上。十三年四月，詔改麗正書院爲集賢書院，以中書令說爲集賢學士知院事。十四年，崔隱甫·宇文融·李林甫共奏彈說，四月罷中書令，餘如故。十五年二月，制說致仕。十六年二月，以尚書右丞相致仕張說兼集賢殿學士。說雖罷政事，專文史之任，朝廷每有大事，上常遣中使訪之。十八年十二月薨，年六十四。（旧97·新125本伝、又張九齡撰墓誌銘（曲江集18·文苑英華936収））

前後三入相，卅餘年掌文學之任，爲儒臣宗。上嘗爲文，引于禁中令說視草。說亦善用己長，引文儒侍從之臣以左右王化。天子始以經術之道，開集賢院殿，置十八學士以修太宗之政。當時紹文之士，始尚古風。上之好文，自說始也。（分紀15引注記）

徐堅

字元固，馮翊人。開元十年九月詔，祕書監徐堅爲副知麗正殿修書事。十一年十二月麗正修書副使國子祭酒（見少林寺賜田勅）。十三年四月，右散騎常侍堅爲集賢學士，副丞相燕公知院事。十七年五月薨於長安。年七十餘。（旧102·新199本伝、又張九齡撰神道碑（曲江集19·文苑英華893収））

祖孝德·父齊聃及堅，三世爲中書舍人。皇朝衣冠無以爲比。（分紀7引注記）

蕭嵩

蕭梁之裔，初唐宰相瑒之曾姪孫。開元十七年六月，加兼中書令。十九年二月，加集賢院學士知院事兼修國史。廿一年十二月，罷中書令爲右丞相。天寶八載閏六月薨，年八十餘。（旧99·新101本伝、唐大詔令集51収蕭嵩集賢院學士修國史制）

張九齡

字子壽，一名博物，韶州曲江人。初張說知集賢院事，常薦九齡堪爲學士以備顧問。說卒後，上思其言，開元十九年三月，召拜九齡爲守祕書少監集賢院學士仍副知院事。廿二年五月，加守中書令集賢院學士知院事。廿四年十一月罷爲右丞相。翌年四月貶荊州大都督府長史。廿八年五月薨於曲江。年六十三（一作八）。（旧99·新126本伝、又有徐浩撰神道碑（八瓊室金石補正89·全唐文440収）、自撰謝工部侍郎集賢院學士狀及帝批（曲江集15）、溫汝适撰年譜（曲江集附）、何格恩撰年譜（嶺南學報六卷載）、楊承祖撰年譜（國立臺灣大學文學院文史叢刊））

陳希烈宋州人。精玄學。開元中帝留意經義，自褚無量·元行冲卒後，得希烈與鳳翔人馮朝隱，常於禁中講老易。累遷至祕書少監，代張九

齡專判集賢院事。帝凡有撰述，必經希烈之手。天寶四載九月，在任副知院事（見石臺孝經）。十二載十二月，爲祕書省圖書使。安史亂中仕賊，至德二載，賜自盡於大理寺。（旧97・新223本伝）

李林甫 唐宗室，高祖從父弟長平王叔良之孫。善音律，又工画。開元廿四年十一月，代九齡爲兼中書令集賢殿學士修國史。天寶十一載十一月薨。（旧106・新223本伝）

楊國忠 本名釗，蒲州永樂人。天寶十一載十一月，會李林甫薨，代爲右相兼文部尚書集賢殿學士。天寶十五載六月，被殺于馬嵬驛。（旧106・新206本伝）

韋見素 字會微，京兆万年人。天寶十三載八月，拜武部尚書同中書門下平章事集賢院學士知門下省事。十五載六月，隨帝蒙塵入蜀。宝應元年十二月卒，年七十六。（旧108・新118本伝）

○麗正殿學士・侍講・修理官附祕書修書學士・別勅入院

自盧僊至敬會眞，開元五年至十三年三月，麗正學士及侍講・修理官前後總四十人。

其年四月改院。在院皆爲學士，承恩者十六人。（玉海167引注記）

盧 僊 字手成，出自范陽盧氏三房。傭弟。吏部尚書從厚三從父。開元五年，褚無量奏，以前聞喜縣尉分庫檢校。後學士，名稍著。歷祠部

陸去泰（見後） 開元五年，褚無量奏，以前江陽縣尉分庫檢校。十一年，學士獻詩，帝賜贊。十三年三月，學士預宴。

王擇從京兆人。開元五年，褚無量奏，以前左監門胄曹參軍分庫檢校。終汜水令。

徐楚璧（後名）（見後） 字子珍。信安龍丘人。尤善五言詩。開元五年，褚無量奏，以武陟縣尉分庫檢校，又祕書監馬懷素召，分担是正文字。

盧 僊（見前） 兄。開元五年，祕書監馬懷素奏，以祕書少監爲修圖書副使。終祕書少監。（新200盧僊傳付）

崔 沔（見後） 京兆長安人。事親至孝，博學有文詞。開元五年，祕書監馬懷素奏，以祕書少監爲修圖書副使。七年，爲太子左庶子。歷中書侍郎

齊 泚 定州義豐人。少以詞學稱。開元五年，祕書監馬懷素・左散騎常侍元行冲，受詔編次四庫群書，乃奏太子左庶子泚爲編修使。尋改祕書少監，而丁憂免。後天寶五載，爲平陽太守，卒於郡。（旧190・新128本伝）

盛唐之集賢院

王 珣 太原人。夏州都督方翼子。開元五年，祕書監馬懷素受詔編次圖書，奏用祕書少監珣等，於祕閣詳錄四部書。後至兵部侍郎，祕書監。

〔旧102章述伝・旧105王鉞伝付・新111王方翼伝付〕

吳 兢 汴州浚儀人。博通經史，尤長史才。開元五年，祕書監馬懷素受詔編次圖書，奏用衛尉少卿吳兢等，於祕閣詳錄四部書。專心編修國史成稿。至天寶八載卒，年八十餘。〔旧102章述伝・旧102・新132本伝〕

田可封 開元五年，祕書監馬懷素奏，以祕書郎爲修圖書判官。〔新199馬懷素伝〕

康子元 〔見後〕 越州會稽人。開元初，詔舉能治易老莊者。侯行果薦子元及敬會真於張說。五年，祕書監馬懷素奏，以祕書郎爲修圖書判官。後爲帝侍讀，累擢祕書少監兼侍講學士。十一年，學士獻詩，帝賜贊。十三年三月，因奏封禪儀注預宴。〔新200本伝〕

韋 述 〔見後〕 京兆人。少篤志文学。開元五年，祕書監馬懷素召，以桑泉尉分部撰次。又元行冲監纂四部書目，令述等總緝。述亦与余欽治史部。八年成奏上。行冲奏，入校麗正書。十一年，學士獻詩，帝賜贊。又學士等賦詩，述爲詩序。十三年三月，學士預宴。

〔旧102・新132本伝〕 以開元五年冬，勅就祕書省，撰統王儉七志及刊校四庫書籍。八年，入麗正殿校勘。十三年三月，授集賢〔直〕學士。〔玉海48引注記〕

尹知章 絳州翼城人。盡通諸經義。睿宗時張說薦。歷礼部員外郎・國子博士。開元五年，祕書監馬懷素奏引知章，以國子博士就祕書省与學者刊定經史。六年卒，年五十餘。〔旧189・新199本伝〕

趙玄默 〔見後〕 開元五年，祕書監馬懷素召，以直國子監分部撰次。八年，知麗正元行冲奏，入校麗正書。十一年，學士獻詩，帝賜贊。十三年三月，學士預宴。

王 直 開元五年，祕書監馬懷素召，以四門助教分部撰次。八年，知麗正元行冲奏，入校麗正書。終岐王府記室參軍事。

吳 綽 開元五年，祕書監馬懷素召，以陸渾丞分部撰次。

馬利貞 開元五年，祕書監馬懷素召，以扶風縣丞分部撰次。六年以後別勅收入院。八年，知麗正元行冲奏，「補修書直學士。其年因選授濟州山荏令。自講出院，素儒緩無吏幹。到任無幾，爲吏人所詐，遂免官。」〔括弧内、見分紀15引注記〕終于家。

劉彦直 開元五年，祕書監馬懷素召，以湖州司功參軍分部撰次。又元行冲監纂四部書目，令彦直与母嬰治子部。八年，知麗正元行冲奏，入校麗正書。

宋辞玉 開元五年，祕書監馬懷素召，以臨汝丞分部撰次。

陸紹伯開元五年，祕書監馬懷素召，以恭陵令分部撰次，八年，知麗正元行冲奏，入校麗正書，卒于官。

李子釗（見）開元五年，祕書監馬懷素召，以新鄭縣尉分部撰次。八年，知麗正元行冲奏，入校麗正書。十一年，學士獻詩，帝賜贊。十三年三月，學士預宴。

殷踐猷字伯起。博學尤通氏族曆數医方。開元五年，祕書監馬懷素召，以杭州參軍分部撰次。元行冲監纂四部書目，令踐猷等治經部。八年，行冲奏入校麗正書。以曹州司法參軍兼麗正殿學士。以叔父喪，哀慟歐血而卒，年四十八。（新199本伝，顏真卿撰墓碣銘（顏魯公集

10）

解崇質開元五年，祕書監馬懷素召，以梓潼縣尉分部撰次。

余欽（見）開元五年，祕書監馬懷素召，以四門直講分部撰次。元行冲監纂四部書目，令欽等總編，又与韋述治史部。八年，行冲奏入校麗正書。十一年，學士獻詩，帝賜贊。十三年三月，學士預宴。

王愜開元五年，祕書監馬懷素召，以進士分部撰次。元行冲監纂四部書目，令愜与殷踐猷治經部。後老病還鄉里。

劉仲丘開元五年，祕書監馬懷素召，以進士分部撰次。元行冲監纂四部書目，令仲丘与王灣治集部。後老病還鄉里。

侯行果（見）上谷人。精於易。開元五年，祕書監馬懷素召，以右威衛參軍分部撰次。八年，知麗正元行冲奏，入校麗正書。十一年，學士獻詩，帝賜贊。十三年三月，學士預宴。（新200康子元伝付）

袁暉開元五年，祕書監馬懷素召，以邢州司戶參軍分部撰次。

晁良開元五年，祕書監馬懷素召，以海州錄事參軍分部撰次。

毋煨（見）開元五年，祕書監馬懷素召，以右衛率府兵曹參軍分部撰次。元行冲監纂四部書目，令煨等總編。又与劉彥直治子部。八年成奏上。行冲奏入校麗正書。十一年，學士獻詩，帝賜贊。十三年三月，學士預宴。

王灣開元五年，祕書監馬懷素召，以榮陽縣主簿分部撰次。元行冲監纂四部書目，令湾与劉仲丘治集部。八年，知麗正元行冲奏，入校麗正書。至洛陽縣尉。

鄭良金開元五年，祕書監馬懷素召，以太常寺太祝分部撰次。八年，知麗正元行冲奏，入校麗正書。至右補闕・京兆府倉曹參軍事。

殷飛業踐猷從弟。開元五年，祕書監馬懷素召，以祕書丞是正文字。六年以後別勅收入院。歷太子左諭德・右威衛將軍。（新199殷踐猷伝付）（右掲趙玄默以下廿名，新199馬懷素伝付見。案新伝該記事，蓋依拠于集賢注記）

盛唐之集賢院

康顯開元修書學士。〔新60藝文志〕

魏哲開元六年以后，以右贊善大夫別勅收入院。

劉懷信開元六年以后，以右內率府兵曹參軍別勅收入院。

胡履虛開元六年以后，別勅收入院。〔魏哲以下三名，見會要64集賢院〕

陸友悌（一作玄悌）〔後名堅〕河南洛陽人。善書。開元六年以后，以通事舍人別勅收入院。〔新200本伝〕

馮朝隱（見後）長樂人。開元八年，知麗正元行冲奏，以朝邑縣丞入校麗正書。十三年三月，學士預宴。〔新200康子元伝付〕

權寅獻開元八年，知麗正元行冲奏，以冠氏縣尉入校麗正書。後至臨淮太守。

孟曉開元八年，知麗正元行冲奏，以祕書省校書郎入校麗正書。後至左補闕。

韓覃開元八年，知麗正元行冲奏，以揚州兵曹參軍入校麗正書。九年，麗正殿學士疏陳府州事（見元和郡縣志12河中府）。後至萊州別駕，坐誣告刺史流遠方。〔權寅獻以下三名，新199馬懷素伝付見〕

王嗣琳開元八年，知麗正元行冲奏，以將仕郎入麗正校勘。以太子校書郎罷。

范仙厦以四門助教入麗正校勘。善講論，後爲道士。〔王・范二名，新200趙冬曦伝付見〕

張排（167引注記）魏州繁水人。公謹孫。開元八年五月，知麗正元行冲奏，以福昌縣令爲麗正院判官，奉勅綴修其父太素所撰後魏・隋書・說林（玉海55）。十年六月，修書副使太子右贊善大夫麗正殿學士（見老・孔・顏三子御贊，金石統編6収）。同年改充知圖書括訪異

書使，又充知搜訪書画使。至國子司業。〔新89張公謹伝付〕

崔藏之開元八年，知麗正元行冲奏，以進士入校麗正書。後至膳部員外郎。

梁令瓚（見後）開元九年，以將仕郎文學直書院。後以右衛率府兵曹參軍而罷。終恒王府司馬。

源幼良開元九年，以祕書省校書郎代馬利貞。後以協律郎罷。〔崔・梁・源三名，新199馬懷素伝付見〕

賀知章（見後）字季真，會稽永興人。以文詞知名，善草隸書。開元十年，麗正殿修書使張說奏請，太常博士知章入書院。尋以祕書少監麗正

院修撰。十一年，學士獻詩，帝賜贊。十三年三月，學士預宴。（旧190・新196本傳）

趙冬曦（見後）定州鼓城人。開元十年，麗正殿修書使張說奏請，監察御史冬曦入書院。十一年十二月，麗正修書判官殿中侍御史（見少林寺賜田勅，金石萃編74取）。吳兢以父喪解修史，張說用冬曦代之。又學士獻詩，帝賜贊。學士等屢賦詩，冬曦爲序。十三年三

月，學士預宴。（新200本傳）

呂向（見後）字子回。東平人。或曰涇州人。工草隸。開元十年，召入翰林兼麗正院校理。侍太子及諸王爲文章。十一年，校理獻詩，帝賜

贊。十三年三月，學士預宴。（新202本傳）

咸廩業（見後）平陽人。開元十年，以大理評事入麗正院修撰。十一年，學士獻詩，帝賜贊。又學士等賦詩，廩業爲序。十三年三月，學士預

宴。（新200趙冬曦付傳）

孫季良（本名翌，見後）以字行。河南偃師人。尹知章門人。以校書郎入麗正院修撰。開元十一年，學士獻詩，帝賜贊。十二年，麗正殿修撰學士

校書郎（見高福墓志，金石萃編75取）。十三年三月，學士預宴。（旧189・新199尹知章付傳）

東方顯以翰林供奉入麗正校理。開元十一年，校理獻詩，帝賜贊。後上書忤旨，左遷高安縣丞。（新200趙冬曦付傳）

徐浩（見後）字季海。越州人。洛州刺史嶠子。工草隸。以文學爲張說所器重。以魯山縣主簿，說薦爲麗正殿校理。三遷右拾遺仍爲校理。

（旧137・新160本傳）

敬會真（見後）平陽人。善老子。開元初，侯行果薦會真於張說。因爲帝侍讀。擢四門博士兼麗正侍講學士。十一年，學士獻詩，帝賜贊。十

三年三月，學士預宴。（新200康子元付傳）

（以上錄五十六名）

○集賢院學士・直學士

自賀知章至竇華，開元十三年四月至天寶十四載，集賢院學士・直學士卅（一作廿）三人。（玉海167引注記，又48節引）

賀知章（見前）開元十三年四月，以禮部侍郎爲集賢院學士。充皇太子侍讀。歷工部侍郎兼祕書監同正員，太子賓客兼正授祕書監等。天寶三

載歸鄉。未幾壽終，年八十六。

陸堅（初名友，一作玄，悌，見前）開元十三年四月，以中書舍人爲集賢院學士。開元學士中名稍著。以給事中兼學士。帝嘉其剛正，更賜名。從封泰

山，封建安男。帝待之甚厚，圖形禁中，親製贊。以祕書監卒。年七十一。贈吏部尚書。

盛唐之集賢院

康子元(見前)

開元十三年四月、以國子博士爲集賢院侍講學士。商載封禪儀。乘輿自岱還、減從官。唯子元等以學士從。徙宗正少卿、以疾授祕書監致仕。卒贈汴州刺史。

趙冬曦(見前)

開元十三年四月、以考功員外郎爲集賢院直學士。遷中書舍人內供奉、以國子祭酒卒。

咸廩業(見前)

開元十三年四月、以監察御史爲集賢院直學士。後坐事左遷餘杭令。

韋述(見前)

開元十三年四月、以左補闕爲集賢院直學士。東封乘輿自岱還、減從官。唯述等以學士從。十八年、兼知史官事。天寶九載、遷尚書工部侍郎、封方城縣侯。爲學士。十五載二月、撰集賢注記。述在書府四十年、居史職廿年。嗜學著書、手不積卷。家聚書二万卷、皆自校定。當時史才博識、以述爲最。安祿山之亂、陷於賊庭、授僞官。至德二載、取兩京。流於渝州、不食而卒。

李子釗(見前)

開元十三年四月、以補闕爲集賢院直學士。後坐保任非人、終德州長史。

陸去泰(見前)

開元十三年四月、以補闕爲集賢院直學士。十四年九月、御製太山銘後記見名(山左金石志12收)。歷左右補闕內供奉。

呂向(見前)

開元十三年四月、以左補闕爲集賢院直學士。同年、撰述聖頌并書(金石萃編75收)。歷起居舍人、主客郎中、專侍皇太子。十七年九月、勅建造摸勒龍角山紀聖碑使。朝議郎·守尚書主客郎中·集賢院學士·翰林院供奉·輕車都尉·贊論皇太子兼侍慶王等諸王文章(山右石刻叢編6收慶唐觀銘碑陰)。又遷中書舍人。開元末、改工部侍郎卒。

毋(見前)

開元十三年四月、以拾遺爲集賢院直學士。東封乘輿、自岱還、減從官、唯(見前)等以學士從。又因群書四部錄、略裁爲四十卷、名爲古今書錄、又添開元內外經錄十卷。

余欽(見前)

開元十三年四月、以太學助教爲集賢院直學士。後至太學博士集賢院學士。

趙玄默(見前)

開元十三年四月、以四門博士爲集賢院直學士。

孫季良(見前)

開元十三年四月、以校書郎爲集賢院直學士。開元中、爲左拾遺。

侯行果(見前)

開元十三年四月、以太學博士爲集賢院侍講直學士。商載封禪儀。歷國子司業、皇太子侍讀。卒贈慶王傅。

敬會真(見前)

開元十三年四月、以四門博士爲集賢院侍講直學士。終太學博士。

馮朝隱(見前)

(會要64) 開元十三年四月、以右補闕爲集賢院直學士。終太子右諭德。

王迥質 開元十〇年，拜集賢院學士仍侍讀。迥質山東宿儒，褐布（一作衣）詔拜，既入侍讀，仍令侍皇太子讀書。及壽王通孝經，賜迥質束帛酒錢及床褥衣被等。令迥質坐床上，坐側羅列所賜物，金吾奉掃其家。里巷觀者如牆（一作堵），家人迎門歡譟。皆歎曰：「稽古之力，信不虛也。」（分紀15引注記，又群書通要戊6引注記，玉海41亦節引）

包 融 湖州人。文詞俊秀，揚於上京。遇張九齡，引爲懷州司戶，集賢直學士。（旧190賀知章傳付）

徐安貞（初名）（見） 開元中，爲中書舍人集賢院學士。遷中書侍郎（孫逖授制，文苑英華380收）仍充學士。廿八年十月，太中大夫守中書草，基承恩顧。在中書省久。是時李林甫用事，或言計議，多所參助。天寶初卒。（旧190本傳，新200褚無量傳付）

徐 嶠 字巨山，湖州長城人。堅（見前）子。開元中，爲駕部員外郎集賢院直學士。遷中書舍人內供奉，河南尹。封慈源縣公。父子相次爲學士。自祖及孫三世爲中書舍人。（新199徐堅傳，分紀15引注記）

尹 愔 秦州天水人。思貞子。博學尤通老子書。初爲道士，玄宗尚玄言，有薦愔者，召對喜甚，厚禮之。廿五年正月，爲諫議大夫集賢學士兼知史館事（旧9玄宗紀）。有詔以道士服視事。顯頌集賢·史館圖書。開元末卒。贈左散騎常侍。（新200本傳）

鄭欽說（見） 開元中集賢院學士，名稍著。通曆術博物，歷石補闕內供奉。雅爲李林甫所惡。貶夜郎尉卒。（新200本傳）

張懷瓘 開元中，盛王府司馬，翰林·集賢兩院侍書侍讀學士。有文學，尤善草隸書，與兄懷瓘同時著名。（陶宗儀古刻叢鈔收唐張中立墓誌銘）

韋 斌 京兆万年人。宰相安石子。尚文藝。天寶初，軹國子司業。徐安貞·王維·崔顥當代辭人，特爲推挹。天寶中，拜中書舍人兼集賢院學士。四載，正議大夫中書舍人集賢院學士上柱國平樂郡開國公（見石臺孝經）。五載，以親累貶巴陵太守。安祿山反，爲賊所得，僞授黃門侍郎，憂憤而卒。（旧92·新122韋安石傳）

劉光謙（見） 天寶五載，集賢直學士起居舍人。注解月令。（李林甫進御刊札記月令表，（見開成石經，又全唐文345收））

齊光父（前姓）（見） 天寶五載，集賢直學士宣城郡司馬。（同前）

陸善經（見） 天寶五載，集賢直學士河南府倉曹參軍（同前）

衛 包（見） 京兆人。工八分小篆，通字學，兼象緯之術。（述書賦注）天寶九載九月，集賢院學士包，抗表陳論議（冊府4帝王部連曆·會要24二三格）。後十二載六月貶官。

盛唐之集賢院

崔國輔山陰人。出自清河崔氏青州房。開元十四年進士，累授許昌令，集賢直學士。歷補闕，起居，禮部員外郎。杜甫贈別崔（國輔）·于

二學士注云、「甫獻三大禮賦（天寶十載）出身，二公嘗謬稱述。」十一載四月，坐王鉞近親，貶竟陵郡司馬。（唐才子傳2、新60藝文志）

于休烈河南人。開元初進士，累遷比部郎中，出爲中部郡太守。杜甫贈別崔·于（休烈）二學士注云、「甫獻三大禮賦出身，二公嘗謬稱述。」

于休烈代宗立，累進工部尚書封東海郡公。大歷七年卒。年八十。（旧149·新104本傳）

劉餗字鼎卿，徐州彭城人。知幾（子玄）子。父卒後，開元十年十一月，錄上父所撰史通（參看玉海49史通條）。至右補闕集賢殿學士，修國史。（旧102·新132劉子玄付伝、冊府50國史部世官）

陽浚天寶十四載，禮部侍郎集賢院學士（唐故朝散大夫太子左贊善大夫隴西李府君（咄）墓誌銘撰文）

寶華（一作庭華）天寶十三載，中書舍人華之子（叔展），父子相次入院。（分紀15引注記）華歷知雜御史（見御史臺精舍碑）、翰林院學士（學士壁記）。華、楊國忠之党。及國忠敗，坐誅滅。（旧106楊國忠伝）。（以上錄三十三名）

至德以後學士、有開盛唐文化者、以下錄三名。

崔圓清河東武城人。玄宗幸蜀郡，特遷蜀郡大都督府長史劍南節度。肅宗即位，玄宗親製遺愛碑于蜀以寵之。肅宗還京，以功拜中書令封趙國公。至德二載，加集賢殿大學士（見会要64）。大曆三年六月薨，年六十四。（旧108·新140本傳）

王維字摩詰，太原祁人。存謝集賢學士表（王右丞集16取），時朝議大夫試太子中允。（旧190·新202本傳、趙殿成王右丞年譜）

徐浩（見前）至德二載，以中書舍人集賢殿學士加兼尚書右丞。乾元元年，集賢學士副知院事。歷國子祭酒，工部侍郎，吏部侍郎等。建中三年卒，年八十。（旧137·新160本傳、張式撰徐公神道碑（金石萃編104·全唐文445收））

○集賢院修撰·校理·待制·文學直付雜直·集賢院試

自韋縉至高瞻，開元十二年四月迄于天寶十五載二月，集賢院修撰·校理·待制及文學直等，總五十九人。（玉海67引注）
〔記亦48節引〕

韋縉京兆万年人。斌（見前）從兄。通礼。開元十三年，以太常少卿商裁封禪儀。歷集賢修撰·光祿卿·太常卿。天寶中，終太子少師。
〔新122本傳〕

盧若虛開元十九年三月，遷右補闕入院修撰。若虛博綜墳史，尤明族姓。撰南宮故事卅卷。（分紀15·玉海51引注記）

洪孝昌開元十九年，以前荊州江陵主簿入院修撰。在任凡經七年修撰而罷焉。（分紀15引注記）

崔沔（見前） 開元廿年九月，以左散騎常侍入院修撰。善札經。朝廷每有疑議，皆取決焉。奉勅与道士趙仙甫、王虛貞并諸學士，參議修老

孫述（見前） 子疏。廿七年卒，年六十七。贈禮部尚書。（分紀15·玉海53引注記，旧188·新129本伝） 潞州涉縣（一作博州）人。文思敏速，善詩。開元廿一年，入為考功員外郎集賢修撰。廿四年拜中書舍人。仕終刑部侍郎。上元中卒。

是光（見前） 齊（後姓） 開元廿二年十一月，祕書省正字是光（見前） 上十九部書語類十卷。勅留院修撰。後賜姓齊。（玉海54引注記，新59藝文志）

施敬本潤州丹陽人。開元中為四門助教。以太常博士為集賢院修撰。踰年遷右補闕。祕書郎卒。（新200本伝）

王仲丘沂州琅邪人。開元中，歷左補闕·內供奉·集賢修撰·起居舍人。遷禮部員外郎。卒贈祕書少監。（新200本伝）

史玄晏天宝五載，修撰官，家令寺丞兼知太史監事。（李林甫進刊定月令表）

皇甫彬潤州丹陽人。集賢院修撰。（新60藝文志皇甫冉詩集條）

馮光震開元十九年以前，奉勅入院，校文選。上疏以李善旧注不精，請改注，從之。光震自注得數卷。（玉海54引注記）

陸善經（見前） 開元十九年，蕭嵩欲早就國史，奏善經等入院。歲餘不就。（玉海46引注記） 廿年五月，蕭嵩令善經等專注文選。事竟不就。

梁令瓚（見前） 開元十九年，蕭嵩欲早就國史，奏令瓚等入院。歲餘不就。（玉海46引注記） 天宝五載，待制官安定郡別駕。（李林甫進刊定月令表）

史惟則 廬陵人。諫議大夫白之子。名浩，以字行。開元廿年三月，以吏部常選入內院待制，仍校理。（分紀15引注記，玉海124引） 唐世分隸名家四人，韓擇木·蔡有隣·李潮·史惟則也（集古錄）。廿四年九月，右羽林軍錄事參軍集賢院待制兼校理（大智禪師碑銘）。

廿九年五月，通直郎行河南府伊闕縣尉集賢院待制兼校理（同右碑陰）。天宝二年十月，通直郎行河南府伊闕縣丞集賢院待制兼校理御書

（慶唐觀金錄齋頌）。後至殿中侍御史。（述書賦注，書史會要）

徐闌開元廿一年十二月，以武功縣選入上博聞紀要廿卷。詔試文章，留院校理。（分紀15·玉海55引注記，新49藝文志）

呂證開元廿三年，張九齡奏，校理官呂證撰春秋音義。（玉海42·45引注記）

盛唐之集賢院

鄭欽說(見前) 開元廿三年，張九齡奏，校理官鄭欽說撰毛詩音義。(玉海42·45引注記)

甘 暉 開元廿三年，張九齡奏，校理官甘暉等撰莊子音義。(玉海42·45引注記)

衛 包(見前) 以前鄉貢進士直院。其年授內黃(主簿)。(分紀15引注記) 開元廿三年，張九齡奏，校理官衛包等撰莊子音義。(玉海42·45引注記)

韓 琬 開元中，宋州司馬韓琬，上統史記一百卅卷·南征記十卷·御史臺記十二卷。(玉海57引注記)

劉光謙(見前) 開元廿九年，以習藝館入內院校理。(分紀15引注記)

蔡母潜 字孝通，荊南人。開元十四年進士。授宜壽尉。入爲集賢待制。有詩名。遷右拾遺，終著作郎。(新60藝文志，唐才子傳2) 天宝十
三載八月，遷弘文博士。(玉海112·165引注記)

唐 穎 開元中，穎罷臨汾尉，上稽典一百卅卷。張說奏留史館修史兼集賢待制。(新58藝文志)

張少悌 天宝七載五月，集賢院待制。(西安府崇仁寺弘頂尊勝陀羅尼神咒幢)

先 朝 天宝九載，以白衣上書試經及第。拜右威衛倉曹集賢待制。(分紀15引注記)

薛 須 天宝九載，以白衣上書試經及第。拜左驍衛山曹集賢待制。(分紀15引注記)

楊 冲 天宝十三載八月，遷弘文博士。(玉海112·165引注記)

竇叔展 中書舍人華(見前)之子。天宝十三載，以宜壽尉遷左拾遺入院待制。父子相次入院。(分紀15引注記)

常敬忠 潞州人。開元初，十五明經擢第，數年之間遍通五經。勅付中書考試，即日聞奏。拜東宮衛佐，仍直集賢院。侍講毛詩，百餘日中，
三度改官。特承眷遇，爲僭類所嫉，中毒而卒。(封氏聞見記10類悟)

李昭道 唐宗室右武衛大將軍思訓子。工画山水鳥獸。開元中，直集賢院，官至太子中舍人·太原府倉曹。(李思訓碑，歷代名画記9)

樊瑞應 天宝二年，高道不仕，試拜家令丞同正·直集賢院。暴卒院中。(分紀15引注記)

席 彬 安定郡人。天宝十二載十月，(直)集賢院上柱國。(劉感恩誌銘)

高 瞻 天宝十五載、集賢院文学直。〔玉海167引注記〕

朱抱一⁽⁷⁾ 開元廿二年、直集賢。善写貌。写張果先生真、爲好事所伝。〔歷代名画記9〕

任貞亮 開元中、直集賢、解画。〔歷代名画記9〕

穆 聿 開元中、有商胡穆聿、別識圖書、遂直集賢。告訐搜求。至德中、白身受金吾長史、改名祥。〔歷代名画記2〕

倪 麟 開元中、集賢画直、工人物。〔圖繪宝鑑補遺〕

邵齋欽 開元中、画直。解画。〔歷代名画記9〕

吉 曠 開元中、書手。解画。〔歷代名画記9〕

帥夜光 幽州人。開元廿年、上三玄異義卅卷、集賢院試三玄策十道及第。授校書郎、詔直國子監。〔元和姓纂10、新59藝文志〕

杜 甫 天宝十載正月、献三大礼賦。玄宗奇之、委學官、於集賢試文章。明年以名実相副、送隸有司、参列選序。〔旧190・新201本伝、聞⁽⁸⁾一多撰少陵先生年譜会箋、四川省文史館編杜甫年譜〕

註記

(1) 關於唐代翰林院、参考岑仲勉氏「翰林學士壁記注補」(中央研究院歷史語言研究所集刊一五、一九四八年)。

(2) 玉海所引集賢注記數十條、朱倓女史「集賢注記輯校」(中山大學文史學研究所月刊三一、一九三四年)已經輯錄、可参看。

朱女史亦撰「集賢注記輯釈」(說文月刊四卷吳稚暉記念号、一九四四年)、未見爲憾。

(3) 關於唐代藏書、参考石田幹之助氏「唐代圖書雜記」(增訂長安の春「東洋文庫91」一九六七年所収)。

(4) 關於群書四部錄及古今書錄、参考余嘉錫氏「目錄學發微」

(中華書局、一九六三年)第九章。

(5) 大衍曆之内容、参看戴内清氏「隋唐曆法史之研究」(三省堂、一九四四年)第二章以下。

(6) 關於陸善經、参看新美寬氏「陸善經の事蹟に就いて」(支那學九一一、一九三七年)。

(7) 朱抱一以下数名画家、参考米沢嘉圃氏「唐集賢殿書院の作画機能とその画家」(東方學報東京十一、一九四〇年)。

(8) 杜甫与集賢院之關係、注掲二譜天宝十・十一載條詳述。甫進封西嶽賦表云「頃歲国家有事於郊廟、幸得奏賦、待制於集賢、

盛唐之集賢院

委學官試文章。再降恩沢、仍猥以臣名實相副、送隸有司、參列選序。」又贈別崔・于二學士詩注云「甫獻三天札賦出身、二公嘗謬稱述。」則因獻賦而得出身資格、然參選不得官、後至十四載冬初任河西縣（屬蒲州）尉不拜、尋拜右衛率府兵曹參軍也（見年譜）。案右表「待制於集賢」（新伝云「使待制集賢院」、異於集賢院待制之名目。集賢院待制、當代美銜、若得此職、必自誇示、知友亦當稱之。於杜公詩文及応酬諸作、不見一稱集賢、其非任集賢待制無疑。於集賢院只試文章而已。後年甫在成都作莫相疑行云「憶獻三賦蓬萊宮 自怪一日声輝赫 集賢學士如堵牆 觀我落筆中書堂」當年得意可察。